

皇清經解

皇清經解卷一千二百五十九

爾雅義疏

棲霞郝氏

著

釋言第二

言者說文云直言曰言釋名云言宣也宜彼此之意也言與詁異詁之爲言古也博舉古人之語而

以今語釋之也言之爲言衍也約取常行之字而以異義釋之也言卽字也釋言卽解字也古以一字爲一言此篇所釋皆單文起義多不過二三言與釋詁之篇動連十餘文而爲一義者殊焉故次釋言

殷齊中也

書曰以殷仲春釋地曰岷齊州以南

上篇首言始末言終此篇首言中亦末言終蓋以中統始終之義而包上下之詞也中者玉篇云半也喪服小記注中猶間也殷者周禮大行人云殷相聘也掌客云殷膳大牢鄭注並云殷中也書堯典馬鄭注同廣雅云殷正也正亦中以殷仲秋史記五帝紀作以正中秋是中正義同齊者易繫辭集解引王肅曰齊猶正也正卽中之訓故詩人之齊聖箋訓齊爲中正書天齊于民馬融注齊中也列子黃帝篇云不知斯齊國幾千里湯問篇云猶齊州也張湛注並云齊中也周穆王篇云四海之齊謂四海之中也亦齊爲中之證

斯謔離也 齊陳曰斯謔見詩

離者廣雅云離分也離與蠡音義同方言云蠡分也楚曰蠡秦晉曰離斯者說文云析也引詩斧以斯之書有斯明享鄭注斯析也廣雅云斯分也分析義皆為離故詩墓門釋文及正義引孫炎曰斯析之離方言云斯離也齊陳曰斯是郭所本通作廡史記河渠書云乃廡二渠以引其河集解引漢書音義云廡分也謔者說文云離別也周景王作洛陽謔臺按謔臺猶離宮別館也郭云謔見詩者邢疏引巷伯云哆兮侈兮說文哆張口也張開與分離義近

謔興起也 禮記曰尸謔

起者說文云能立也釋名云起啟也啟一舉體也謔者特性少牢饋食俱云尸謔列子黃帝篇云則未嘗見舟而謔操之者也鄭注及張湛注竝云謔起也少牢饋食及士虞禮注竝云古文謔或作休詩不我能慙傳慙與也說文慙起也慙謔聲近慙休聲轉其義俱同矣興者動也作也發也舉也皆起之義也周禮注廡興也興廡聲轉

還復返也 皆迴返也

返者說文云還也引商書曰祖甲返又引春秋傳作返通作反儀禮注反還也詩猗嗟箋及執競傳竝云反復也氓箋及

說文云反覆也覆復聲同其義亦近也還者說文云復也起語注反也詩還而不入箋還行反也通作環又通作旋周旋亦反復之義也復者說文云往來也又云夏行故道也夏復音義同易雜卦云復反也詩黃鳥及我行其野箋傳並同

宣徇徧也

皆周徧也

徧者說文云而也易象傳云莫益之徧辭也虞翻注徧周匝也俗作遍通作辯又作辨廣雅云辨徧也樂記注辯徧也書徧于羣神史記五帝紀作辯於羣神鄉飲酒禮眾賓辯有脯醢有司徹云若是以辯鄭注並云今文辯皆作徧宣者詩內宣字傳箋俱訓爲徧逸周書益法篇云聖善周聞曰宣亦以宣爲周徧也徇者徇之假音也說文云徇徧也十日爲徇詩來旬來宣傳徇徧也通作徇史記五帝紀云幼而徇齊索隱引爾雅以徇爲周徧也徇說文作徇爾雅釋文徇本又作徇又通作徇釋文徇樊本作徇郭音巡張揖字詁云徇今巡按說文徇行示也行示與周徧義亦近故一切經音義一引三蒼云徇徧也左氏桓十二年傳三巡數之杜預注巡徧也又通作洵下文云洵均也均徧義同故詩桑柔正義引李巡曰洵徧之均也

駟遽傳也

皆傳車駟馬之名

皇壽經

卷之三

郝戶部爾雅義疏

二

說文云傳遽也遽傳也互相訓古以傳遽竝稱故周禮行夫云掌邦國傳遽之小事鄭注傳遽若今時乘傳騎驛而使者也玉藻云士曰傳遽之臣鄭注傳遽以車馬給使者也詩江漢釋文以車曰傳以馬曰遽故左氏僖卅三年傳且使遽告於鄭成五年傳晉侯以傳召伯宗則知召伯宗必以車告於鄭必以馬矣蓋傳之為言轉也以車展轉而期於早達也遽之為言急也以馬急促而期於速到也後世驛傳起於此矣駟者說文云傳也驛置騎也騎跨馬也是驛駟義別俗或通用故左氏文十六年正義引爾雅作驛傳又引舍人曰驛尊者之傳也驛皆當作駟釋文反音可證舍人之意蓋據傳云楚子乘駟又云子產乘遽故知尊者乘駟卑者乘遽也左氏昭二年釋文及正義竝引孫炎云傳車驛馬也郭注本孫炎今爾雅注驛又誤作駟矣釋文駟而實反

蒙荒奄也

奄奄覆也皆見詩

奄者說文云覆也詩奄有下國奄有龜蒙箋竝以為覆通作揜說文揜一曰覆也又通作弁下文云弁蓋也蓋亦覆故廣雅云弁覆也又通作掩文選懷舊賦注引埤蒼曰掩覆也晉語及吳語注竝云掩蓋也蒙者冢之假音也說文云冢覆也通作蒙詩君子偕老傳蒙覆也按葛生蒙楚蒙棘皆以蒙為覆也又通作幪或作幪說文幪蓋衣也法言吾子篇云然後

知夏屋之爲榭幪也李軌注榭幪蓋覆也荒者與奄竝訓大也大與覆義相成說文云荒艸掩地也掩卽覆蓋書惟荒度土功詩葛藟荒之毛鄭竝云荒奄也皇矣及公劉正義引孫炎曰荒大之奄也通作幪說文云幪覆也詩遂荒大東郭注釋詁引作遂幪大東禮投壺云母幪母敷大戴禮作無荒無傲荒幪亦一聲之轉

告謁請也

皆求請也

請謁告也已見釋詁  
告謁又爲請轉相訓

肅噍聲也

詩曰肅噍和鳴

經典言肅離者多矣此言其聲耳詩鴻鴈傳肅肅羽聲也鴉羽傳肅肅鴉羽聲也是皆重文若單文亦爲聲禮祭義云肅然必有聞乎其容聲史記孝武紀云神君來則風肅然是皆以肅爲聲也以噍爲聲者詩匏有苦葉傳雝雝鴈聲和也雝與噍同已詳釋詁

噍噍音聲和也下

格懷來也

書曰格爾眾庶懷見詩

來格懷至也已見釋詁至卽來故格懷又爲來轉相訓來通作戾戾亦至戾來古音同也格者當作假亦作假竝詳釋詁

上壽經

卷之三十一 郝戶部爾雅義疏

三

通作格方言云格來也又通作格詩神保是格中庸云神之格思緇衣云則民有格心大學云致知在格物傳注並云格來也懷者方言云來自關而東或曰懷釋名云懷回也本有去意回來就己也亦言歸也來歸己也詩曷又懷止懷柔百神傳箋並云懷來也周禮序官懷方氏學記云近者說服而遠者懷之鄭注亦云懷來也詩傳箋及學記注又云懷歸也歸亦來

眇底致也

皆見詩傳

致者說文云送詣也詣候至也然則致亦至也至致聲同字亦通矣眇者釋詁云告也玉篇引禮記曰眇於鬼神亦作眇今曲禮作眇於鬼神鄭注眇致也祝告致於鬼神辭也是致告義相成故眇既訓告又訓致郭云見詩傳者今毛傳無或當在齊魯韓詩矣底者釋詁云止也止亦致也書乃言底可績史記夏紀作汝言致可績凡禹貢底字夏紀俱作致又敷重底席鄭注亦云底致也通作者詩者定爾功傳耆致也釋文耆毛音指文選報任少卿書注引爾雅郭璞曰底音指耆

郭氏音義之文

修怙恃也

今江東呼母為修

說文云恃賴也詩蓼莪釋文引韓詩云恃負也楚辭注恃怙也恃怙互相訓也侈者說文作侈云恃也廣韻云恃土地也通作侈廣韻引爾雅一云恃事曰侈此蓋爾雅舊注故龍龕手鑑一引爾雅云恃事自侈也荀子非十二子篇云儼然侈然揚涼注侈然恃尊長之貌郭云今江東呼母爲侈者方言云南楚澤涇之間謂婦妣曰母侈說文則云江淮之間謂母曰媿是媿侈音義同郭意蓋借侈以證侈之爲恃取其聲同非侈有母稱也注內侈字蓋傳寫之譌怙者諡法及詩鴟羽傳竝云怙恃也韓詩云怙賴也賴卽恃之訓故說文依爾雅云怙恃也

律適述也 皆敘述也 方俗語耳

逆者說文云循也詩日月傳及士喪少牢饋食注竝云述循也通作術詩報我不述釋文述本亦作術文選廣絕交論注引韓詩作報我不術士喪禮注古文述皆作術按術韓詩云法也法與律其義又同矣律者釋詁云常也法也奉爲常法卽述之義故又訓述中庸注及史記律書索隱引釋名竝云律述也周禮典同注律述氣者也廣雅云律率也率循卽述也通作聿詩正義引爾雅作聿述也聿卽律矣適者釋詁云自也循也循與自皆述之義也書今民將在祗適乃文考融注適述也詩文王有聲箋同通作曰詩正義引爾雅作曰述也又通作聿詩適道來孝禮器引作聿道來孝適孫炎以



爲古述字讀聿故詩聿修厥德漢書東平思王宇傳作述修厥德

俞番然也

禮記曰男唯女俞番者應也亦爲然

然者廣雅云磨也俞者然之聲也內則云男唯女俞鄭注俞然也凡書曰俞史記五帝紀俱作曰然番者釋文云古吝字一本作吝鄉射禮記及郊特牲祭義注並云吝對也吝又爲磨磨亦然也通作對詩聽言則吝新序雜事五及漢書賈山傳俱作聽言則對

豫臚敘也

皆陳敘也

敘者說文云次第也次第其先後故釋詁云敘緒也有端緒可陳述故晉語注敘述也通作序書內敘字史記俱作序豫者舒也序也故釋地釋文引春秋元命包云豫之言序也亦通作序祭義注序或爲豫鄉射禮云豫則鉤楹內鄭注今文豫爲序是序豫同又通作舒釋詁云舒敘也緒也書曰豫恆煥若史記宋世家作曰舒常與若大戴禮五帝德篇云貴而不豫史記五帝紀作費而不舒是舒豫音又同矣臚者玉篇云陳也韋昭注漢書及辨釋名並云臚陳敘也通作臚廣雅云臚舒也史記司馬相如傳云臚之無窮集解引徐廣曰臚一作臚臚敘也又通作旅釋詁云旅陳也鄉飲酒及鄉射禮

燕禮大射儀注竝云旅序也士冠禮注古文旅作臚是臚旅  
通旅有臚音故周禮司儀云皆旅賓鄭注旅讀爲鴻臚之臚

庶幾尙也

詩曰不尙息焉

尙者說文云尙庶幾也本爾雅爲訓也庶者下文云幸也幾  
者與覲同覲亦幸也詩內如尙無爲尙可載也不尙息焉儀  
禮內如尙饗檀弓云尙行夫子之志乎哉大學云尙亦有利  
哉箋注竝云尙庶幾也然庶幾二字亦可單言如論語云其  
庶乎左傳云庶有多乎故家語終記篇  
王肅注尙庶也庶字斷文亦其證矣

觀指示也

國語曰且觀之兵

釋名云示示也玉篇云示者語也以事告人曰示也華嚴經  
音義上引蒼頡篇云示現也說文云天垂象見吉凶所以示  
人也通作視詩視民不挑箋視古示字也曲禮幼子常視毋  
詭注視今之示字士昏禮記視諸衿鞶注示之以衿鞶視乃  
正字今文作示俗誤行之莊子應帝王及徐无鬼篇釋文竝  
云示本作視觀者見之示也考工記桌氏云以觀四國莊子  
大宗師篇云以觀衆人之耳目釋文竝云觀示也按釋宮云  
觀謂之闕亦所以表示於人也釋文觀施音館謝音官二音  
俱通矣指者手之示也廣雅及離騷注竝云指語也語亦示  
也仲尼燕居云治國其如指諸掌而已乎中庸云治國其如

示諸  
掌乎

若惠順也

詩曰惠然肯來

順者釋詁云敘也緒也陳也義皆相成順者不逆也故釋名云順循也循其理也逆理爲凶順理爲從故特牲饋食記注順從也通作循大射儀云以袂順左右隈鄭注今文順爲循又通作慎禮器云順之至也釋文順亦作慎易繫辭云慎斯術也釋文慎一本作順皆其證矣若者詩烝民及閔宮傳禮曾子問及禮器注竝云若順也書之欽若及時咨若時史記五帝紀若俱作順通作如有司徹注今文若爲如說文如從隨也从隨卽順亦其義也惠者詩終溫且惠維此惠君傳箋竝云惠順也

敖幬傲也

禮記曰無幬無傲傲慢也

傲者說文云倨也倨不遜也廣雅云傲傷也傷慢亦倨傲也通作敖詩彼交匪敖漢書五行志作匪傲匪傲又通作冢說文云冢媪也引虞書曰若丹絀冢漢書劉向傳作母若丹朱敖今書作無若丹朱傲敖者說文云出游也从出从放按出外放游皆無拘檢之意故又訓傲釋詁云謔浪笑敖戲謔也舍人注敖意舒也詩鹿鳴傳敖遊也廣雅云敖戲也戲遊舒

放俱與傲慢義近重文亦然故釋訓云敖敖傲也俗作遨詩  
以敖以遊釋文敖本亦作遨莊子列禦寇篇釋文同嚙者禮  
投壺云母嚙母敖鄭注嚙敖慢也通作嚙詩亂如此  
嚙箋嚙敖也甚敖慢無法度也又通作荒詳釋詁

幼鞠穉也

書曰不念鞠子哀

說文云穉幼禾也方言云穉小也穉年少也通作稚方言注  
穉古稚字五經文字云穉字林作稚詩種穉菽麥說文作穉  
稚未麥幼者說文云少也釋名云言生日少也曲禮云人生  
十年曰幼按十年者舉成數實則十五以前通曰幼故喪服  
傳注子幼謂年十五已下鞠者毓之假音也說文毓同有詩  
昔育恐育鞠鄭箋昔育育稚也廣雅云毓穉也通作鬱詩鬱  
子之閔斯傳鬱稚也文選洞簫賦注鬱育古字同又通作鞠  
鞠者詩鴟鴞正義引爾雅作鬱稚也而云郭璞曰鞠一作毓  
證知爾雅古本作毓稚所引蓋郭音義之文也毓  
當鞠俱聲義近而字亦通又通作粥即鬱字之省

逸嘗過也

書曰汝則有逸罰

過者說文云度也玉篇云越也因度越之義又爲失因失之  
義又爲誤也謬也皆展轉相生爾雅此義則主於謬失也逸  
者說文云失也周語引書盤庚曰國之不臧則惟余一人是  
有逸罰韋昭注逸過也通作佚書謬淫厥佚史記魯世家作

誣注厥佚集解引馬融注紂大淫樂其逸書淫泆于匪彝釋  
文泆又作逸亦作佚又通作份書大淫泆有辭釋文泆又作  
份馬本作份云過也按份从份聲與逸音近今份作音私  
列切其音遠矣譬者籀文憇字說文憇過也經典憇譬通用  
故詩不憇于儀禮縮衣作不譬于儀氓蕩釋文竝云憇本又  
作譬又通作選說文選過也又通作憲說文憇或从寒省諡  
法云憲過也詩不憇不忘春秋繁露作不驚不忘疑驚卽寒  
字耳又通作憇文選贈士孫文始詩注引詩作不憇不忘後  
漢書馬防傳注憇過也一切經音義三  
云憇古文憲選二形玉篇云憇同憲俗

疑休戾也

戾止也疑者亦止

戾者釋詁云止也止亦定故詩傳竝云戾定也已詳釋詁疑  
者赴之假借也說文赴未定也昧僻經典俱借作疑詩靡所  
止疑傳疑定也鄉射禮注疑止也士昏禮云婦疑立于席西  
注疑止矜難立自定之貌是疑俱兼止定二義纘禮說其  
音讀則鄉飲酒禮注疑讀如乞然從於趙盾之乞是疑鄭讀  
爲乞儀禮釋文竝云疑魚乙反此音是也爾雅釋文無音蓋  
讀如字非矣此不知疑乃假借耳休者釋詁  
云息也息亦止詩民勞傳休定也定卽戾矣

疾齊壯也

壯壯事謂速也齊亦疾

壯者廣雅云健也健彊與疾速義近莊子徐无鬼篇云百工有器械之巧則壯釋文引李頤注壯猶疾也

械褊急也

皆急

急者說文云褊也釋名云急及也操切之使相逮及也然則急之爲言猶汲汲矣械者心之急也械與亟音義同釋詁云亟疾也速也速疾皆急械通作戒詩我是用急鹽鐵論絲役篇作我是用戒戒卽械也又通作革文選三國名臣序贊注引蒼頡篇曰革戒也戒亦械也戒俱械字之省釋文械或音戒非矣又通作棘詩棘人樂樂兮毛傳棘急也正義引釋言文棘人崔靈恩集注作械人皆其證也褊者衣之急也賈子道術篇云包眾容易謂之褊反褊爲褊詩維是褊心按褊裕俱从衣說文別有褊字从心云褊急也然經典俱不用唯借用褊

賈買市也

詩曰袍布賈絲

詩東門之枌正義引風俗通云市恃也養贍老少恃以不匱也說文云市買賣所之也按市兼買賣二義齊策云竊以爲君市義此以買爲市也越語云又身與之市此以賣爲市也故史記項羽紀集解云市貿易也周禮司市注市者人之所交利皆其義也賈者說文云易財也一切經音義六引三蒼云貿易也交易物爲賈也聲轉爲買故下文云賈買也詩氓

書經

卷之三

郝戶部爾雅義疏

七

傳用下文實則買亦為市故說文云買市也賈者說文云賈市也一日坐賣售也白虎通云賈之為言固也固其有用之物以待民來以求其利者也行曰商止曰賈然則居處賣貨物曰賈故逸周書命訓篇云極賞則民賈其上孔晁注賈賣也左氏桓十年傳若之何其以賈害也成二年傳欲勇者賈余餘勇杜預注竝云賈買也是賈亦兼買賣二義通作沽論語云求善賈而賈諸漢石經賈作沽沽依正文當為及說文云秦以市買多得為及及即沽矣

屏陋隱也

禮記曰屏用席書曰揚側陋

隱者釋詁云微也說文云蔽也通作上玉篇云上古文隱字說文云匿也象退曲隱蔽形讀若隱是隱上同屏者說文云隱也士虞禮及有司徹俱云屏用席特牲饋食云屏用筵鄭注竝云屏隱也通作陴釋文屏符沸反字又作陴同楚辭湘君篇云隱思君兮陴側王逸注陴陋也又通作弗有司徹注古文屏作弗按弗訓蔽與隱同義弗屏又一聲之轉陋者說文云陴陴也陴陴亦隱蔽之義荀子修身篇云少見曰陋通作漏詩尚不愧于屋漏鄭箋漏隱也正義云釋言文

過遂逮也

東齊曰過北燕曰遂皆相及逮

釋詁云逮與也此篇下云逮及也通作逮說文云逮及也過遂者方言七云過遂逮也逮與過遂逮字之假音過遂通作

曷詩曷云能毀傳曷逮也正義云釋言文遂通作逝詩逝不古處噬背適我傳竝云逮也釋文引韓詩噬作逝逝及也

征邁行也

詩曰王于出邁亦行

行者說文云人之步趨也从彳从辵釋名云兩腳進曰行行抗也抗足而前也按行訓步趨故去也之也往也還也皆行之義也行由道路故釋宮云行道也又云堂上謂之行皆緣步趨之義而生也征者說文作延或征云正行也漢書武帝紀征和功臣表俱作延和顏師古曰延亦征字也征訓行故宥征卽宥行征夫卽行人也邁者說文云遠行也故于邁卽往行時邁卽時行邁又往也與行訓往同

圯敗覆也

謂毀覆

覆者說文云覆也覆反覆也反覆卽敗故王制云不覆巢鄭注覆敗也敗亦毀故周禮若蒺氏注覆猶毀也然則覆舟覆車覆邦家其義皆爲毀敗矣圯者釋詁云毀也敗亦毀也毀亦覆也淮南說林篇云蘭芝欲修而秋風敗之

荐原再也

易曰水荐至今呼重蠶爲蠶

再者說文云一舉而兩也玉篇云兩也重也仍也荐者說文云薦席也席下施薦與再義近左氏襄四年傳戎狄荐居正

書青經解

















卷之三十一 郝戶部爾雅義疏



義引服虔云荐草也孫炎云荐草生之再也按荐又訓仍也重也通作薦詩饑饉薦臻傳薦重也重卽再矣原者文王世子云未有原周禮馬質云禁原蠶者淮南秦族篇云原蠶一歲再收鄭注及高誘注竝云原再也再亦重故漢書禮樂志及叔孫通傳集注竝云原重也原或作蠶釋文原舍人本作蠶郭義本舍人

撫救撫也

撫愛撫也  
救義見書

撫者說文云安也一曰循也古文作按無古字通故撫作矣周禮大行人注撫猶安也禮文王世子注撫猶有也有亦存恤之意與安義近通作說文猶也猶撫循故荀子富國篇注與撫同撫循慰悅之也爾雅釋訓釋文本亦作撫撫者方言云哀也說文云愛也竝與撫循義近一曰不動與安義又近矣通作說文云改撫也从聲讀與撫同又通作說文云無也从某聲讀若侮按侮某無古俱聲同聲轉之字與今讀異也救者說文云撫也引周書曰亦未克救公功讀若或从人作周禮小祝及男巫注云救安也書洛誥注亦云救安也

臞臞瘠也

齊人謂瘠  
瘦爲瘠

瘠者說文作臞云瘦也大司徒注瘠臞也通作瘠說文以爲臞古文也一切經音義二云瘠古文瘠瘠瘠三形又通作柴

易說卦云爲瘠釋文瘠京荀作柴臞者說文云少肉也史記司馬相如傳云形容甚臞索隱引韋昭曰臞瘠也舍人曰臞瘦也文選謝靈運初去郡詩注引爾雅舊注曰臞肉之瘦也通作癯釋文臞字又作癯文選注臞與癯同臞者說文云齊人謂臞

臞也

皆充盛也

桃頰充也

充者盈也滿也桃者說文云充也通作光釋文桃孫作光書光被四表傳云光充本爾雅爲訓也淮南修務篇云段干木光於德寡人光於勢亦以光爲充也光之爲言廣也廣光聲同廣充義近故詩敬之傳光廣也水經濟水注云光里齊人言廣音與光同卽春秋所謂守之廣里者也光通作橫橫廣俱从黃聲黃从光聲古讀橫廣竝如光故樂記云號以立橫孔子閒居云以橫於天下鄭注竝云橫充也書之光被四表後漢書作橫被四表漢之橫門亦稱光門矣一切經音義十四云桃古文橫橫二形同音光是其證也

屢臞亟也

親臞者亦數亟亦數也

亟者釋詁云疾也速也速亦數也言頻數也禮少儀云亟見日朝夕吳語云而天祿亟至鄭注及韋昭注竝云亟數也方

皇書

皇書

卷五

郝

戶部爾雅義疏

七

言云亟愛也廣雅云亟敬也敬愛亦緣亟數而生也屢者釋  
詁與亟俱訓疾屢屢字同故釋言釋文云屢本又作屢詩賓  
之初筵傳屢數也桓箋屢亟也正月及巧言箋又云屢數也  
亦通作數公羊宣十二年注屢往來爲惡言釋文屢又作數  
音朔是數屢通暱者釋詁云近  
也暱訓親近與亟訓愛敬義同

### 靡罔無也

無者說文作𠄎云𠄎也一切經音義六引聲類云無虛無也  
通作无易以无爲無說文云奇字無通於无者虛無道也又  
通作𠄎古有無字俱作𠄎詩何有何𠄎論語𠄎而爲有是也  
又通作毋史記魯世家引書無逸作毋逸漢書車千秋傳引  
無偏無黨作毋偏毋黨是也靡者細也小也皆與無義近又  
訓盡也空盡卽虛無故詩靡日不思之死矢靡他箋傳並云  
靡無也罔者从𠄎𠄎亦無易君子用罔馬融王肅注並云罔  
无也書罔水行舟史記夏紀作毋水行舟罔有攸赦殷紀作  
無有攸赦罔古讀如莽無古讀如模靡罔無俱一聲之轉小  
爾雅云勿蔑微曼末沒無也今人言無有日沒有或曰未有  
亦曰靡有皆一義也蔑以加言無以加也微管仲言無管仲  
也微古讀如肩勿古讀如沒是勿微曼末亦靡罔之聲轉

### 差也爽忒也

皆謂用心差  
錯不專一

差者說文作𠄎云貳也段氏注貳作貳按籀文𠄎从二二謂  
必不一也士或二三其德所以過差也故參差之字从二三  
太平廓云或生之差范望注差過差也爽者說文云明也从  
𠄎助几二爻也二不專一故又訓差詩女也不爽其德不爽  
傳註云爽差也方言云爽過也過亦差諡法云爽傷也傷敗  
亦過差也書云惟事其爽侮老子云五味令人口爽列子黃  
帝篇云昏然五情爽惑竝以爽爲差也周語云實有爽德又  
云言爽日反其信韋昭注註云爽貳也依段注貳亦貳矣爽  
又訓貳者貳亦差也廣異訓耳老子云常德不貳釋文引顧  
云貳爽也漢書賈誼傳注爽貳也貳說文作𠄎云失常也通  
作貳云更也更變亦失常故詩鞠人攸貳享祀不貳傳箋竝  
云貳變也正義俱引孫炎曰貳變雜不一不一卽貳貳卽差  
矣爾雅釋文貳或作𠄎是貳貳通又通作貨易豫釋文貳京  
本作貨月合云宿離不貨又云無或差貨呂覽貨俱作貳又  
通作貨書云衍貳史記宋世家作衍貨又通作貳  
禮緇衣引詩其儀不貳釋文貳木或作貳音二

𠄎貳也

𠄎次爲副貳

貳者說文云副益也周禮道僕掌貳車王制七十有貳膳孟  
子館甥於貳室竝以貳爲副也貳又代也相更代亦爲副益  
也𠄎者說文云飲也飲亦次故文選報任少卿書注引如淳  
曰𠄎次也詩決拾既飲周禮緇人法作挾拾既次飲又代也

與貳  
同義

劑剪齊也

南人呼剪刀爲劑刀

齊者斷也既夕記云馬不齊髦鄭注齊剪也剪斷其義同劑者說文云齊也玉篇云剪齊也太彖云永云其命劑也范望注劑剪絕也周禮小宰云聽賣買以質劑鄭注質劑謂兩書一札同而別之皆今之券書也是亦取齊斷爲義也剪者說文作翦云齊斷也通作剪詩實始翦商毛傳翦齊也鄭箋翦斷也莊子人間世篇云且幾有翦乎釋文翦崔本作前是前剪通又通作戩說文引詩翦作戩云滅也滅亦斷絕之義故周禮序官翦氏注翦斷滅之言也郭云南方人呼翦刀爲劑刀者劑剪聲轉釋文劑卽隨反釋名云翦刀翦進也所翦稍進前也翦俗作剪

饋餼稔也

今呼餐飯爲饋餼熟爲餼

稔者任之假音也說文任大熱也又軌云食任也引易曰軌任今易鼎文作亨任方言云任熱也通作脗聘禮記云賜饗唯羹任鄭注古文任作脗詩楚茨傳亨任之也釋文任本又作脗又通作稔稔穀熟也釋文稔字又作任詩洞酌釋文引爾雅正作任說文亦饋餼任三字連文可證矣饋者說文作饌或作饋餼云脗飯也郭云餐飯者釋文引蒼頡篇云餐饋

也是饗脩同又引字書云饋一蒸米玉篇云半蒸飯泔酌釋  
文引孫炎云蒸之曰饋均之曰餽然則饋者半蒸之尙未熟  
故釋名云饋分也眾粒各自分也餽者說文云飯氣蒸也詩  
正義引作飯氣流也蓋餽之爲言流也飯皆烝熟則氣欲流  
故孫炎云均之曰餽郭云饋熟爲餽  
詩正義引作飯均熟爲餽義本孫炎

媵將送也

左傳曰以媵秦穆  
姬詩曰遠于將之

送者說文云遣也从倝省籀文不省荀子富國篇云送逆無  
禮楊倝注送致女是送以致爲義故漢書食貨志應劭注送  
致也媵者倝之假音也說文云倝送也引呂不韋曰有仇氏  
以伊尹倝女通作媵後漢書皇后紀注引孫炎曰送女曰媵  
按本解以送女爲媵經典凡送亦通曰媵故易象傳云媵口  
說也燕禮及大射儀云媵觚于賓鄭注並云媵送也又通作  
騰燕禮注今文媵皆作騰大射儀注古文媵皆作騰公食大  
夫禮云眾人騰羞者鄭注騰當作媵易之媵口說今作媵口  
說亦其證矣又通作揚檀弓云杜蕢揚解鄭注禮揚作媵揚  
舉也媵送也揚近得之鄉飲酒義及射義揚解鄭注並云今  
禮揚皆作騰燕禮媵觚鄭注又云媵讀或爲揚揚舉也然則  
揚媵聲轉媵騰聲近騰揚之義又近揚舉與媵送義亦近矣  
將者說文云將扶也通作將詩我將箋將猶奉也聘禮記注  
將猶致也義皆爲送故詩百兩將之周禮小宰裸將之事傳

注竝云將送也詩  
燕燕箋將亦送也

### 作造爲也

造作爲三字竝見詩緇衣篇爲與僞古通用凡非天性而人所造作者皆僞也僞卽爲矣作者書凡言作史記俱訓爲作與詐古通用月合注作爲爲詐僞然則詐之通作亦猶僞之通爲作僞二字俱从人是皆人之所爲矣造者詩小子有造遭家不造傳竝云造爲也尙無造傳又云造僞也僞亦爲也周禮膳夫及儀禮士冠禮記注竝云造作也作亦爲也

### 養饑食也

方言云陳楚之  
闕相呼食爲養

食者釋名云食殖也所以自生殖也食與飯異故少牢饋食云尸又食鄭注或言食或言飯食大名小數曰飯食與糧異故周禮廩人云則治其糧與其食鄭注行道曰糧謂糲也止居曰食謂米也然則食兼乾濡二義爾雅之食亦兼二名也養者方言云食也陳楚之內相謁而食麥饘謂之養鄭注饘糜也音旃是養爲濡食說文云饘也則亦爲乾食矣麥饘者荀子富國篇云夏日則與之瓜楚班舉一切經音義十三引字書曰楚麥甘粥也蒼頡篇云煮麥也按今人煮大麥爲粥夏日食之解暑其遺象也饘者說文云乾食也一切經音義七引字林云乾飯也飯食亦通名耳故詩伐木傳饘食也公

劉釋文餓字或作糗通作糗書峙乃糗糧說文引作峙乃餓糧是餓糗通糗糗也說文糗乾也糗熬米麥也按今時碎大麥爲劑食之謂爲芻麩卽乾餓矣釋名云餓候也候人飢者以食之也餓善止飢夏月食之又解暑

鞠究窮也

皆窮盡也見詩

窮者說文云極也小爾雅云竟也竟極聲轉義同又訓終也巳也窘也困也諸義又皆爲盡也鞠者窾之假音也說文云窾窮也从窾聲窾與鞠同鞠窮理罪人也楚辭天問篇云皆歸歟鞠王逸注鞠窮也通作鞠詩谷風傳及雲漢瞻卬箋竝云鞠窮也公劉傳鞠究也究亦窮也又通作鞠爾雅釋文鞠字又作鞠詩南山及小弁傳竝云鞠窮也南山及節南山箋傳竝本釋詁云鞠盈也盈與窮亦義相成也究者詩鴻鴈及蕩傳節南山箋竝云究窮也逸周書文酌篇云維有永究孔晁注究終也終亦窮也究又畢也盡也竟也極也皆窮之訓也究聲與九近陽窮於九故列子天瑞篇云九變者究也究鞠窮俱一聲之轉

滷矜鹹苦也

滷苦地也可矜憐者亦辛苦苦卽大鹹

苦者對甘而言月令云苦雨數來苦雨亦對甘雨而言也釋名云苦吐也人所吐也書炎上作苦苦聲近監監苦鹽也周



禮鹽人云祭祀共其苦鹽杜子春讀苦爲鹽是鹽苦通矣  
者說文作鹵云西方鹹地也東方謂之廣西方謂之鹵玉篇  
作鹵云苦地也引書海濱廣滂易說卦云爲剛鹵釋名云地  
不生物曰鹵鹵燼也如燼火處也然則所鹵之地不生草木  
其土苦惡故曰苦矣矜者釋訓憐也矜憐古音疊韻矜本作  
矜从合得聲合古讀如憐也矜訓苦者苦味近辛故言辛苦  
愁苦悲辛皆可矜憐然則苦有二義味苦曰苦矜憐其苦亦  
爲苦也詩爰及矜人毛傳矜憐也居以凶矜傳矜危也危苦  
義近爾雅釋文矜作齡玉篇齡苦也按齡字非郭義蓋俗作  
耳鹹者說文云銜也北方味也書潤下作鹹鹹極必苦故淮  
南墜形篇云鍊苦生鹹今驗  
海水鹹煮鹽味苦是其證矣

干流求也

詩曰左

流覃也覃延也

皆謂蔓延相被及

求者擅弓注求猶索物穀梁定元年傳求者請也干者詩旱  
麓及假樂傳箋坵云干求也通作奸漢書孔光及黃霸傳注  
坵云奸求也奸干古字通用故左氏成十六年傳奸時以動  
釋文奸本或作干是其證矣流者釋詁云擇也擇與求義近  
故詩關雎傳流求也流求疊韻覃又訓延者延移相被及故  
詩葛覃傳覃延也施移也又流亦有移義故考工記弓人及  
禮中庸注坵云流猶移也然則  
流覃延三字轉相訓其義同

佻偷也

謂苟且

偷者說文作偷云薄也大司徒云以俗教安則民不偷鄭注偷謂朝不謀夕通作偷表記云安肆曰偷鄭注偷苟且也左氏昭十年正義引孫炎亦曰偷苟且也皆郭所本偷又單訓苟故晉語云人孰偷生韋昭注偷苟也佻者說文云偷也引詩視民不佻通作恍今詩作視民不佻毛傳恍偷也玉篇引爾雅亦作恍偷也今爾雅仍作佻故左氏昭十年傳佻之謂甚矣正義引李巡曰佻偷薄之偷也周語云而卻至佻天之功以爲己力韋昭注佻偷也

潛深也潛深測也

測亦水深之別名

深者玉篇云邃也遠也考工記梓人注深猶藏也藏伏卽潛之訓也潛者說文云藏也書之沈潛馬融注潛伏也易之潛龍崔憬曰潛隱也隱伏藏其義又皆爲深故後漢書班彪傳注潛深也方言又云潛沈也沈亦深也沈深潛測俱聲相轉也潛深又爲測者說文云測深所至也淮南原道篇注度深曰測是測兼度深及深所至之名

穀鞠生也

詩曰穀則異室

生者活也說文云進也象草木生出土上文選魏都賦注引劉瓛易義云自無出有曰生周禮太宰注生猶養也是生兼

活也養也二義爾雅之生亦猶是矣穀者詩穀則異室自何能穀傳箋竝云穀生也是皆以生活爲義也小弁蓼莪四月皆言民莫不穀箋竝云穀養也是皆以生養爲義也穀字之訓二義盡之鞠者詩蓼莪傳鞠養也通作育釋詁云育長也長養義皆爲生又通作毓大司徒云以毓草木晉語云怨亂毓災注竝以毓爲生也毓與鞠聲近義同故爾雅之鞠稊詩鳴鴉正義引郭璞曰鞠一作毓是毓鞠通

啜茹也

啜者拾食

茹者說文云飲馬也玉篇云飯牛也而頤而與而諸三切方言云茹食也吳越之間凡貪飲食者謂之茹郭注今俗呼能麤食者爲茹漢書集注食菜曰茹是茹爲人食之通名說文玉篇但云飲馬飯牛義未備也證以詩言柔則茹之又禮運云茹毛孟子云茹草莊子云不茹葷竝以茹爲食也蓋雲翔爲余言今萊陽人謂牛噉長草曰茹人噉生菜連莖葉吞之亦曰茹然則茹爲吞咽之名方言謂之貪食郭注謂之麤食其義與今俗語同矣啜者說文云嘗也釋名云啜絕也乍啜而絕於口也然則啜但訓食郭云拾食者蓋取啜拾爲義非爾雅之指也知者左氏定四年正義引舍人曰啜茹食也是啜訓茹茹訓食趙岐子注以啜兼飲言亦非

茹虞度也

皆測度也詩曰不可以茹

度者釋詁云謀也度本丈尺之名詩予忖度之忖卽寸寸度言若以尺寸量度之也左氏昭廿八年傳心能制義曰度賈子道術篇云以人自觀謂之度皆寸度之義也茹者釋詁云如謀也如茹同詩不可以茹獮狻匪茹來咨來茹傳箋竝云茹度也虞者詩有虞殷自天無貳無虞傳箋竝云虞度也

試式用也

見詩書

用者說文云可施行也方言云行也行與由同由亦斥也小大由之言小大用之也一切經音義七引蒼頡篇云用以也亦用也雖不吾以言雖不吾用也通作庸說文云庸用也書五刑五用哉後漢書梁統傳作五刑五庸哉試者說文云用也引虞書曰明試以功詩師干之試論語吾不試傳注竝云試用也式者詩式微式微式夷式已傳竝云式用也秦策云式於政不式於勇高誘注亦云式用也方言云由式也然則式亦由也由亦用也

誥誓謹也

皆所以約勤謹戒眾

謹者慎也謹與誠同義說文云誠敕也誠謹一聲之轉誥者釋詁云告也荀子大略篇云誥誓不及五帝楊倞注誥誓以

言辭相誠約也漢書刑法志注詰謹也以刑治之令謹敕也  
誓者說文云約束也釋名云誓制也以拘制之也拘制約束  
皆所以爲謹敕也故曲禮云約信曰誓文王世子云曲藝皆  
誓之鄭注誓謹也皆使謹習其事大戴禮子張問入官篇云  
故儀不正則民失誓盧辯注誓勅也勅亦  
謹也大射儀注誓猶告也是誓誥義同

競逐疆也

皆自強勉

疆者說文云弓有力也釋名云疆置也通作強釋詁云強勤  
也學記云知困然後能自強也鄭注自強修業不敢倦法言  
五百篇云或性或強李軌注強者習學以至也競者說文云  
疆語也一曰逐也从詒从二人按二義俱本爾雅从詒故訓  
疆語从二人故訓逐也詩桑柔烈文傳及抑執競箋竝云競  
疆也職競用力不競不綵箋又云競逐也淮南原道及俶真  
篇注亦云競逐也通作儵又通作勅說文竝云疆也又通作  
儵周禮鍾師注引呂叔玉云繁邊執儵也即執競之異文又  
通作竟逸周書度訓篇云揚舉力竟即力競也史記篇云竟  
進爭權即競進也水經江水注引之蓋儵省作竟非誤也今  
或改逸周書爲競則非矣逐者左氏昭元年傳諸侯逐進杜  
預注逐猶競也漢書五行志晉灼注競走曰逐後漢書馮異  
傳注逐爭也  
爭亦競矣

禦圍禁也

禁制

禁者玉篇云止也。錮也。禦者玉篇云禁也。又當也。小爾雅云抗也。抗與當皆禁止之義。文選西京賦云禁禦不若。是禦亦禁也。禦與籓同。說文云籓禁苑也。引春秋傳澤之自籓。籓或作鯁。按左氏昭廿年傳澤之萑蒲。舟鯁守之。舟鯁卽舟籓之譌。說文自籓亦舟籓之譌也。通作御。釋文禦本或作御。詩亦以御冬。毛傳御禦也。言御禦同。以禦亂。今大射儀注作以御亂兮。又通作敵。說文云敵禁也。一曰樂器釋名云敵。衙也。衙止也。所以止樂也。一切經音義一云禦古文敵同。又通作衙。周禮田僕注衙還之使不出圍。釋文衙本又作御。石門頌云綏億衙疆。卽禦疆也。北海相景君碑云強衙改節。卽疆禦也。圍者逸周書寶典篇云不圍我哉。孔晁注圍禁也。謚法篇云威德剛武曰圍。孔注圍禦也。能禦亂患也。一切經音義九引舍人曰禦圍未有而預防之也。防亦禁止之義。通作禦。詩曾是疆。禦漢書敘傳作曾。是疆圍不畏疆。禦王莽傳作不畏疆。圍孔棘我圍。鄭箋圍當作禦。管子輕重甲篇云守圍之國用鹽獨甚。尹知章注圍與禦同。又通作敵。樂記注謂祝圍也。釋文圍本作敵。又通作圍。說文云囹圍所以拘罪人。今作圍。圍玉篇云囚也。

書青經

卷三十三 戶部爾雅義疏

七

室蕤塞也

謂塞孔穴

塞者寔之假借也說文云寔室也通作塞既夕記云瑱塞耳鄭注塞充室詩定之方中箋及祭義注並云塞充滿也又通作塞說文云寔實也引虞書曰剛而塞今書作塞中庸云不變塞焉鄭注塞猶實實與充滿義近也按塞說文作塞云隔也與寔寔異今則同之故玉篇云塞蘇代切隔也又蘇得切實也滿也蔽也皆其義也室者詩七月及東山傳箋並云室塞也廣雅云室滿也論語云惡果敢而室者鄭注魯讀室爲室今從古按室說文云實也實卽塞之訓也實室室三字聲近義通一切經音義九云室古文慎同蕤者說文云瘞也瘞蕤互訓義俱爲塞故詩傳以塞爲瘞爾雅以瘞爲塞也通作瘞周禮大宗伯以瘞沈祭山林川澤卽爾雅釋天云祭地曰瘞瘞也又通作理詩鳧鷖箋有瘞埋之象釋文埋字亦作瘞祭法云瘞埋於秦折祭地也

黼黻彰也

黼文如斧黻文如兩己相背

說文彰文彰也廣雅云彰明也通作章書彰厥有常史記夏紀作章其有常孝經云神明章矣釋文章本又作彰推是而言如考工記畫績之事云雜四時五色之位以章之鄭注章明也周語云其飾彌章韋昭注音者也鄭語云其子孫未嘗

不章章注章顯也凡此皆以章爲彰也黼黻者說文云黼白與黑相次文黻黑與青相次文本考工記爲說也而不言所象爲何物爾雅釋器但云斧謂之黼於黻字仍無說書益稷傳及左氏桓二年注郭氏此注並云黻兩已相背唯漢書韋賢傳集注紋畫爲亞文亞古弗字也與舊說異阮雲臺師曰自古畫黻作亞形明兩弓相背非兩已相背也兩弓相背義取于物與斧同類兩已之已何物耶得非兩弓相沿之誤與漢書師古注黻畫爲亞文亞古弗字於此語必爲斧傳非師古所創云云今按以音義推之黼从甫聲其訓爲亞似有意義釋文云黻戾也戾卽弗字之意師古之說蓋有徵矣黼黻訓彰者荀子富國及禮論篇並云黼黻文章章卽彰矣書益稷言黼黻文言彰施亦此義

膺身親也

謂躬親

親者說文云至也祭義云其親也慈鄭注親謂身親又云如親聽命其義亦同文王世子注親猶自也公羊莊卅二年傳注親躬親也通作親說文云親至也汗簡云窺出尙書是窺古親字矣膺者說文云曾也曾與躬身義近故並訓親少儀云執箕膺搗鄭注膺親也身者說文云躬也躬身互訓其義同詩云弗躬弗親呂覽孟春紀注躬親也士昏禮記注躬猶



親也樂記注躬猶己也己卽身釋詁云身我  
也已與我皆親之之詞亦卽身訓親之義也

愷悌發也

發發行也詩曰齊子愷悌

發者廣雅云開也釋名云發撥也撥使開也開則明故詩長  
發釋文撥韓詩作發發明也論語亦足以發不排不發發俱  
訓明發又進也行也詩履我發今遂視旣發傳箋竝云發行  
也爾雅之發則以開明爲義不兼行進爲義也愷悌者闔閭  
之假音也說文云闔開也廣雅云闔明也闔者說文引尙書  
曰闔闔升雲半有半無讀若驛今書洪範卽作曰驛古文本  
作曰闔史記集解引鄭注曰闔者色澤而光明也是闔訓明  
曰闔宋世家作曰涕聲之假借故詩齊子豈弟箋云豈讀當  
爲闔弟古文尙書以弟爲闔闔明也正義引舍人李巡孫炎  
郭璞皆云闔明發行是諸家竝以闔明訓豈弟與鄭義同唯  
以發爲發行則異今郭注但有發行之文而無闔明之語以  
校正義所引蓋有缺脫矣愷悌訓發者愷悌卽豈弟經典豈  
弟訓樂易此訓闔明蓋經師舊說相傳謂然故鄭箋云此豈  
弟猶言發夕也然則發訓明不訓行發夕猶旦夕也釋文引  
韓詩云發旦也旦亦明也故說文引禮旦明五  
通爲發明詩小宛又云明發其實皆一義耳

髦士官也

取俊士令居官

官者說文云吏事君也玉篇云宦也古微書引春秋元命苞云官之爲言宜也周禮宰夫云掌小官之戒令鄭注小官士也士相見禮注居官謂士以下祭法注官師中士下士然則官爲總名也髦士者釋文云毛中之長豪曰髦士之後傑者借譬爲名是髦士爲俊選之嘉稱故下文云髦選也俊也選士俊士司馬辨論官材論定然後官之故曰官也

峻農夫也

今之齋夫是也

農者一切經音義引說文云農耕人也今本脫人字春秋繁露云農者民也莊子讓王篇釋文引李頤云農農人也爾雅之農夫則謂農官耳峻者說文云農夫也本爾雅峻不言田省文也農不言大夫亦省文也實則田峻是官名大夫是爵號故詩田峻至喜毛傳田峻田大夫也田大夫卽農大夫或疑爾雅農夫之間當脫大字據周語云命農大夫成戒農用韋昭注農大夫田峻也以此爲證今謂不然古人文字不拘故有稱農大夫者周語是也有稱農夫者爾雅是也有稱農父者書酒誥是也亦有稱農正者周語云農正再之韋昭注農正疇稷之佐田峻也亦有單稱農者郊特牲云饗農鄭注農田峻也是皆農不必稱大夫之證猶之田峻亦單稱峻爾雅此文是也亦單稱田月令云命田舍東郊鄭注田謂田峻主農之官是也是又田峻二字不必兼稱之證然則田峻卽農官故詩七月正義引孫炎曰農夫田官也郭云今之齋夫

者詩甫田箋田駿司嗇今之嗇夫也是郭所本嗇  
夫者漢書百官公卿表及晉書百官志具有其文

蓋割裂也

蓋未詳

裂者與列同說文列分解也廣雅云裂分也內則云衣裳綻  
裂釋文裂本又作列莊子天下篇云道術將爲天下裂是裂  
列俱以分解爲義也蓋者釋文云古害反舍人本作害是害  
蓋通又與割同割者害也釋名云害割也如割削物也說文  
云割剝也从害聲故割與害同又與蓋同見禮記緇衣注是  
蓋割害三字以聲爲義也阮雲臺師曰害曷蓋未未古音皆  
相近每加偏旁互相假借若以爲正字則失之書呂刑云鰥  
寡無蓋蓋卽害字之借言堯時鰥寡無害也孟子謨蓋都君  
兼言井廩亦當訓害也害字與割音義最近書堯典洪水方  
割大誥天降割之類皆害字之借也害字與蓋亦近爾雅釋  
文蓋舍人本作害書君奭云割申勸寧王之德鄭氏緇衣注  
割之言蓋是也蓋與曷同音故孟子時日害喪害卽曷也蓋  
與未未亦最近故公羊襄廿七年傳曰昧雉彼視何  
休注昧割也邵公之意若曰有淪盟者視此割雉也

邕支載也

皆方俗語亦未詳

載者說文去乘也釋名云戴也戴在其上也通作戴詩載弁  
俵俵此篇下文郭注引作戴弁俵俵邕者釋文云又作擁邢

疏引謝氏云邕字又作擁釋云擁者護之載也支者  
邵氏正義云支與楛通楛柱所以承載詳見下文

誣誘累也

以事相屬  
累爲誣誘

累者說文作纍云綴得理也玉篇云纍力佳切繫也又力僞  
切延及也累同纍是纍爲正體隸省作累今讀累力僞切纍  
力佳切以爲二字非矣釋文累本又作纍字又作紮是紮纍  
又通矣誣誘者說文云誣誘纍也誘纍也是誣誘連文及單  
文俱訓纍也釋文引孫炎云楚人曰誣秦人曰誘是誣誘疊  
韻二字義同玉篇云誣託也漢書賈誼傳注引蔡謨曰誘者  
託也是誣誘並訓託  
屬託與屬累義亦同

漠察清也

皆清  
明

清者說文云脈也澑水之兒文選思乎賦云愆渙浥而爲清  
舊注清靜也易象上傳虞翻注清猶明也是清兼明靜二義  
靜猶淨也方言云清急也急猶激也故方言又云激清矣漠  
者說文云清也釋文引樊光云漠然清貌音莫漢書賈誼傳  
注漠靜也是漠爲靜之清矣察者審之清也釋詁云察審也  
禮器注察猶明也老子云俗人察察河上公注察察急且疾  
也又與清

急義合

書經

卷之三十一 郝戶部爾雅義疏

七

鹿麻廕也

今俗語呼樹廕爲麻

廕者蔭之或體也說文蔭草陰地玉篇引作草蔭地也是蔭从艸其實樹木之陰亦謂之蔭故淮南說林篇云蔭不祥之木人間篇云蔭暵人於樾下皆以樹陰爲蔭也通作陰詩既之陰女箋以陰爲覆陰釋文陰鄭音蔭覆蔭也左氏昭元年傳趙孟視蔭釋文蔭本亦作陰又通作廕爾雅釋文廕字亦作蔭詩雲漢釋文蔭本亦作廕庇者說文云蔭也表記注及考工記輸人注竝云庇覆也覆亦蔭故一切經音義九引孫炎曰庇覆之廕也左氏文十七年正義引舍人曰庇蔽也蔽亦覆蔭也方言云庇寄也寄託義亦同也通作庇雲漢釋文芘本亦作庇又通作庇周禮遂師釋文庇本又作庇麻者說文與休同云息止也从人依木釋詁云休息也左傳正義引舍人曰依依止也止息義皆爲蔭淮南精神篇云得蔕越下高誘注蔕蔕也三輔人謂休華樹下爲蔕也釋文麻字又作休按作休爲正蔕借聲也

穀履祿也

書曰既富方穀詩曰福履將之

履禮也

禮可以履行見易

祿者釋詁云福也廣雅云善也善與福同義周禮天府注祿之言穀也孝經注食廩爲祿是祿兼二義爾雅亦然也穀者上文云生也釋詁云善也善與祿義同生與養義近詩俾爾戩穀穀穀方有穀傳箋竝云穀祿也孟子穀祿不平趙岐注

穀所以爲祿也亦與此義合矣履者釋詁與祿並云福也詩  
福履綏之傳履祿也履祿聲轉義同說文云禮履也所以事  
神致福也亦與此義合餘詳釋詁○履訓禮者祭義云禮者  
履此者也仲尼燕居云言而履之禮也坊記云履無咎言皆  
以履爲禮也詩履我卽兮率履不越傳並云履禮也郭云見  
易者序卦云履者禮也履禮曼韻履祿雙聲故古皆以爲訓  
履禮字通  
亦詳釋詁

隱占也

隱度

占者漢書陳遵傳云口占書吏集注占隱度也口隱其辭以  
授吏也占音之贍反敘傳云大臣名家皆占數于長安集注  
占度也自隱度家之口數而著名籍也然則占者億度之詞  
與占候之義亦近釋文無音蓋讀如字玉篇占之鹽切候也  
候伺亦隱度之言是占亦不必音之贍反矣隱者文選郭有  
道碑文注引劉熙孟子注曰隱度也管子禁藏篇注亦同少  
儀云隱情以虞鄭注隱意思也按意與億則屢中之億同  
億謂以意度之故禮運云非意之也鄭注意心所無慮也無  
慮亦隱度之義然則意亦隱也隱意聲轉字通故  
左氏昭十年經云季孫意如公羊作季孫隱如

逆迎也

釋詁云迓迎也迎者說文云逢也迎迓御俱音轉字通已詳釋詁又與輅同左氏僖十五年傳輅秦伯宣二年傳狂狡輅鄭人輅俱訓迎逆者迓之迎也逆本違迓之名而有逢迎之義故以逆為迎齊策云故專兵一志以逆秦高誘注逆拒也拒與迎義相反者逆對順言故有拒意逆以迎言故有逢意詁訓有相反而相同者此類是也

僭會也

發語辭見詩

會者說文云詞之舒也會又訓乃趙岐孟子注何曾猶何乃也僭者替之假音也說文替會也引詩替不畏明通作僭詩民勞節南山十月之交傳箋竝云僭會也又通作慘民勞釋文慘本亦作僭左氏昭廿年傳作慘不畏明釋文慘會也慘僭聲同僭會聲轉

增益也

今江東通言增

益者說文云饒也玉篇云加也易繫辭云益德之裕也是益以增多增長為義也增者說文云益也廣雅云加也重也累也爾雅釋訓云增增眾也是皆增多增長之義通作會說文會部云會從曾省曾益也詩會孫篤之箋會猶重也離騷云會歛歎余鬱邑兮王逸注會累也又通作層招魂篇云層臺累榭王逸注層重也魏大饗碑云蔭九增之華蓋增即層也

又通作諳說文云諳加也又通作檜禮運云夏則居檜巢釋文檜本又作增又作曾今按玉篇檜才陵子登二切卽曾增之音檜巢與營窟對文檜亦重累之義然則檜依義當作增與曾假借作檜耳

窶貧也謂貧陋

貧者說文云財分少也莊子讓王篇云無財謂之貧說文外貝从分貝卽財分卽少矣窶者說文云無禮居也詩北門傳窶者無禮也貧者困於財一切經音義一引蒼頡篇云無財曰貧無財備禮曰窶又引字書云窶空也類聚卅五引字林云窶貧空也按窶从叀聲叀訓空故以空言聲兼意也釋名云窶數猶局縮皆小意也小與貧近故荀子堯問篇有窶小之言小與空又與無禮居近也詩云終窶且貧是貧窶爲二窶謂無財可以爲禮貧并無以自給故言且以見意實則貧窶是一故書六極四曰貧不言窶從可知也

菱隱也謂隱蔽 優吧也鳴吧短氣皆見詩

隱者釋詁云微也玉篇云不見也匿也皆藏伏翳蔽之義也菱者說文作菱云蔽不見也玉篇云隱也蔽也亦作菱華嚴經音義上引珠叢云菱蔽也離騷云眾菱然而蔽之方言注菱謂蔽菱也引詩菱而不見葢菱而卽菱然菱然又卽隱然



矣通作優廣韻云優隱也說文云仿佛也引詩優而不見又通作愛今詩作愛而不見說者因以愛為可愛非也愛即優之省故廣雅云愛優也詩愛莫助之傳愛隱也是其證○吧者悒之或體也說文悒不安也文選長門賦云舒息悒而增歛兮李善注悒於悒也一切經音義四引蒼頡篇云悒悒不舒之貌也通作邑漢書成帝紀贊云言之可為於邑集注於邑短氣貌文選與滿公玉書云良增邑邑李善注邑邑不樂也又通作吧玉篇云吧烏合切嘔也引爾雅淮南覽冥篇云孟嘗君為之增歛歎吧高誘注歎吧失聲也按歛吧即於悒或作鳴吧於鳴聲同於悒又即悒悒聲相變也優者詩亦孔之優傳優吧正義引孫炎曰心吧也荀子禮論篇云憚詭吧優而不能無時至焉楊倞注吧優氣不舒憤鬱之貌然則吧優即優吧也爾雅古本當作優吧故孫炎云心悒从邑旁心也詩正義據爾雅今本作優吧故引孫炎云心悒从邑旁口矣荀子今本亦作吧優宋本則作悒優可證

基經也

基業所以自經營

基設也

亦為造設

經者理也考工記轉人注經亦謂順理也詩靈臺傳經度之也楚語注經謂經度之立其基址也是皆以理為義也鬼谷子抵巇篇云經起秋毫之末注云經始也始即基之訓也基者釋詁云始也謀也俱與經理義近故賈子禮容篇云基者

經也書周公初基基謂經度之也正義引鄭注基訓爲謀謀  
亦經度之義詩經始靈臺經始卽初基也周語云自后稷之  
始基靖民始基亦卽初基韋昭  
注基訓爲始并也基經雙聲

祺祥也

謂徵祥 祺吉也 謂吉之先見

祥者釋詁云善也說文云福也賈子大政篇云祥者福之榮  
也按榮謂先見其徵應若草木之有華榮也士虞禮記注祥  
吉也漢書五行志云祥猶禎也禎吉亦福善之義也祺者士  
冠禮云壽考維祺鄭注祺祥也詩維周之禎傳禎祥也正義  
引釋言文是禎本作祺釋文亦作祺云祥也爾雅同故正義  
又引舍人曰祺福之祥某氏曰詩云維周之祺賦禎賦禎賦禎賦定本  
集注禎字作禎釋文亦引徐云本又作禎與崔本同然則今  
詩作禎蓋據徐邈及崔靈恩集注所改釋文正義俱作禎今  
正義亦作禎則誤矣臧氏琳經義雜記十一云唐石經作禎  
故今本多作禎說文禎祥也崔蓋本此今注疏本作禎則非  
○吉者說文云善也釋名云實也有善實也文選東京賦注  
吉福也周禮大祝云吉祝鄭眾注祈福祥也然則吉包福善  
二義與祥同訓故逸周書武順篇  
云禮義順祥曰吉是吉卽祥矣

兆域也

謂塋界

肇敏也

書曰肇牽車牛

域者說文作或云邦也或又從土玉篇云域居也封也詩蒺  
蔓于域傳域管域也周禮典祀注域兆表之塋域廣雅云塋  
域葬地也按塋管通域本邦之界限不獨葬地有域故漢書  
禮樂志云濟之仁壽之域集注域界也是凡界稱域矣兆者  
兆之假借也說文云兆畔也爲四時界祭其中引周禮曰兆  
五帝於四郊通作兆今小宗伯兆作兆鄭注兆爲壇之管域  
樂記云行其綴兆士喪禮云兆南北面鄭注竝云兆域也又  
通作肇書肇十有二州大傳作兆十有二州鄭注兆域也爲  
管域以祭十二州之分星也詩以歸肇祀箋肇郊之神位也  
后稷肇祀表記作后稷兆祀鄭注兆四郊之祭處也詩肇域  
彼四海肇當作兆兆域正天下之經界○敏者說文云疾也  
肇者釋詁云謀也謀敏古音相近中庸人道敏政鄭注敏或  
爲謀是謀敏通肇之言猶趙也穆天子傳云天子  
北征趙行郭注趙猶超騰也超騰與敏疾義近

挾藏也

今江東通言挾

洩徹也

謂霈徹

藏者懷也說文作裏云藏也學記云藏焉修焉鄭注藏謂懷  
抱之按藏古書作臧後人通借爲藏耳挾者說文云俾持也  
玉篇云懷也持也廣韻云藏也護也漢書惠帝紀云除挾書  
律應劭注挾藏也通作俠說文云裏俠也裏俠猶裏藏左氏  
隱九年經云挾卒公穀作俠卒是俠挾通又與匿同匿或作  
篋說文云匿藏也○徹者說文云通也小爾雅云達也挾者

右無正文借挾與接爲之接亦通達之義故小爾雅云接達也廣雅云接福也周徧亦霑洽之義此皆以接爲浹也以挾爲浹者詩使不挾四方毛傳挾達也釋文挾子協反周禮大宰及大司馬並云挾日而斂之釋文挾子協反字又作浹越南原道篇云不浹于骨髓高誘注浹通也漢書禮樂志云於是教化浹洽集注浹徹也唯荀子書浹俱作挾儒效篇云盡善挾洽之謂神挾洽卽浹洽也禮論篇云方皇周挾周挾卽周浹也故楊倞注並云挾讀爲浹與詩及周禮合爲它書所未見

普廢也普滅也

亦爲滅絕

廢者釋詁云舍也舍謂廢置不用故又訓退也罷也止也已詳釋詁普者說文云廢一偏下也通作替詩勿替引之胡不自替離騷云謇朝諝而夕替毛傳及王逸注並云替廢也晉語云薦可而替否韋昭注替去也去亦廢故一切經音義九引李巡曰替去之廢也釋詁云替止也止亦廢也滅者釋詁云盡也絕也晉語注滅除也除去與廢止義近替又訓滅者魯語云令德替矣晉語云君之豕嗣其替乎韋昭注並云替滅也

速徵也徵召也

易曰不速之客

徵者求也說文云召也召求義近呂覽達鬱篇云桓公樂之而徵燭漢書五行志云徵蹇與孺高誘注及顏師古集注並云徵求也速者疾之徵也文選思平賦云速燭龍令執炬兮舊注速徵也徵亦召故詩何以速我獄以速諸父傳並云徵召也鄉飲酒及鄉射禮速賓注同召者說文云誣也呂覽分職篇云合召客者酒酣高誘注召請也請猶徵也經典徵訓召者周禮司市云成賈而徵債縣正云縣之政令徵比典祀云徵殺于司隸及鄉飲酒鄉射禮云徵唯所欲鄭注並云徵召也凡左傳徵會徵聘徵師之類其義亦同召猶招也說文招手呼也何籀然則召以口誣招以手誣故楚辭招魂序云以手曰招以言曰召詩匏有苦葉傳招招號召之貌號召亦誣召也招又求也並與召義同

琛寶也

詩曰來獻其琛

寶者說文云珍也珍寶也通作保又作葆易繫辭云聖人之大寶曰位釋文寶孟作保書無墜天之降寶命史記魯世家作無墜天之降葆命留侯世家集解徐廣曰史記珍寶字皆作葆又通作宋亦作瑤書云陳寶說文引作陳案寶器穆天子傳作瑤器矣琛者詩泮水傳寶也正義及釋文引舍人曰美寶曰琛莊氏述祖說琛字古無正文當依說文作珍余按琛字見詩與金相韻若作珍則失韻其說非也玉篇琛別作琛廣韻琛賚也與玉篇異文選思平賦云獻環珉與琛縞兮

舊注探質也質與實異探質之訓與爾雅又乖疑未能定也

探試也

刺探嘗試

試者上文云用也此訓嘗試廣雅云試嘗也秦策云臣請試之高誘注試猶嘗視也然則易无妄云不可試也試亦嘗矣釋文訓試爲驗驗與嘗近嘗與用亦近矣探者釋詁云取也又訓刺探刺亦采取之義刺探猶何探也故軍中間謀用以探取敵情謂之探子然則探之言占也試之言伺也方言云古伺視也古與覘同伺與覘同皆竊視之意

髦選也

後士之選

髦俊也

土中之俊如毛中之髦

選者說文云擇也玉篇云數也廣雅云入也然則選謂德行道藝可入成均充選數故王制云命鄉論秀士升之司徒曰選士白虎通引禮別名記曰十人曰選言材過十人也髦者上文云髦士官也釋文毛中之長豪曰髦然則髦之言豪也在毛謂之豪在士謂之選故選士曰髦士亦曰豪士矣○俊者禮別名記曰百人曰俊說文云俊材過千人也書俊父在官馬鄭注並云材德過千人爲俊鵠冠子能天篇云德萬人者謂之俊不同者百千萬雖爲數懸殊要皆才德出眾之稱故書克明俊德鄭注俊德賢才兼人者是其義俱通矣王制云司徒論選士之秀者而升之學曰俊士通作雋左氏莊十

一年傳得僂曰克釋文僂本或作俊髦又訓俊者詩甫田棫樸傳及士冠禮注並云髦俊也

俾職也

使供職

職者釋詁云主也周禮掌固云民皆有職焉鄭注職謂守與任考工記云國有六職百工與居一焉然則職不必居官也凡事也業也主者皆謂之職大幸以八職任萬民任即任使之義也俾者釋詁云使也從也從順使令皆與職義近以從順爲職職之卑者也以使合爲職職之尊者也通作比詩克順克比樂記引作克順克俾鄭注俾當爲比聲之誤也釋善從之曰比比訓從則與俾同故古字通非誤也在易比與師對比即俾也師猶尸也釋詁云尸職主也

紕飾也

謂緣飾見詩

飾者論語鄉黨篇皇侃疏引鄭注云飾謂純緣也玉篇云純之閒之允二切緣也緣於浦切邊緣也紕者玉篇云必二扶規二切冠緣邊飾也按緣邊之飾衣冠皆有之故玉藻云縞冠素紕鄭注紕緣邊也紕讀如埤益之埤是冠緣邊曰紕也雜記下云紕以爵韋六寸鄭注在旁曰紕深衣云純袂緣純邊鄭注緣邊衣裳之側既夕記注飾裳在幅曰緝接在幅即裳之邊側釋文緝音毗支反緝即紕也是衣裳緣邊俱曰紕也郭云見詩者素絲紕之毛傳紕所以織組總紕於此成文





蠲明也

蠲清貌

茅明也

左傳曰前茅慮無

明朗也

明者說文云照也周語注顯也祭義注明猶潔也蠲者周禮宮人云除其不蠲鄭注蠲猶潔也是蠲為潔之明也故書云不蠲烝左氏襄十四年傳云惠公蠲其大德馬融及杜預注並云蠲明也通作圭詩吉蠲為饎韓詩作吉圭為饎士虞禮記注及周禮蜡氏注亦並作圭云圭潔也孟子圭田注同然則圭蠲聲轉義同○茅者郭引左氏宣十二年傳云前茅慮無杜預注茅明也正義引舍人曰茅昧之明也○明訓朗者詩既醉傳朗明也左氏昭五年傳正義引樊光云高朗令終日月光明楚語云其聖能光遠宣朗淮南原道篇云新而不朗韋昭及高誘注並云朗明也

猷圖也

周官曰以猷鬼神祇謂圖畫

猷若也

詩曰實命不猷

圖者釋詁云謀也廣雅云畫也周禮小宰鄭眾注圖地圖也按圖謂模寫其形象也猷者釋詁云謀也謀亦圖也猷與猶同詩猶之未遠傳猶圖也小旻白華抑訪落般箋並同周禮凡以神仕者以猶鬼神示之居小行人云猶犯合者儒行云猶將不忘百姓之病也鄭注並云猶圖也此皆圖謀引周禮作圖畫於義亦通○若者如也考工記梓人云毋或若女不寧侯公羊莊四年傳則襄公得為若行乎鄭及何休注並云若如也若如古通用有司微云若是以辯鄭注今文若為

如如若雙聲字也獻訓若者獻如釋詁云謀也如卽若也  
獻之爲若亦如如之爲若也詩小星鼓鐘傳並云猶若也郊  
特牲云猶明清與醴酒於舊澤之酒也內則云  
子弟猶歸器鄭注並云猶若也猶若亦雙聲字

稱舉也

書曰稱

稱好也

物稱人意  
亦爲好

舉者說文作舉从手與聲云對舉也舉又訓言也雜記云過  
而舉君之諱則起鄭注舉猶言也按舉訓言則與稱說同義  
稱者再之假借也說文云再并舉也通作稱說文稱揚也揚  
亦舉故釋訓云稱稱舉也又通作稱書致行稱亂史記殷紀  
作敢行舉亂士相見禮云聞吾子稱贊聘禮云賓稱面壇弓  
云言在不稱徵鄭注並云稱舉也。好者說文云美也詩緇  
衣之好傳好猶宜也宜卽稱之訓也稱者漢書刑法志云一  
物失稱集生稱宜也荀子禮論篇云貧富輕重皆有稱者也  
楊倞注稱謂各當其宜按今俗語謂廝稱爲恰好故  
考工記輪人云欲其肉稱也鄭注肉稱引殺好也

坎律銓也

易坎卦主法法律  
皆所以銓量輕重

銓者說文云衡也廣韻云量也次也度也文選文賦注引蒼  
頡篇曰銓稱也聲類曰銓所以稱物也廣雅云稱謂之銓吳  
語云無以銓度天下之眾寡通作銓廣雅云銓度也廣韻銓  
同銓是矣坎者水也水主法者左氏宣十二年杜預注坎爲

法象說文云法刑也平之如水从水考工記輪人云水之以  
眠其平沈之均也權之以眠其輕重之侔也然則水圭均平  
權知輕重水即坎也權亦銓也銓衡所以取平故坎訓銓矣  
律者上文云述也釋詁云常也法也法律同類故易集解師  
坎下竝引九家注坎爲法律淮南覽冥篇注又云律度也蓋  
律度銓衡竝主法之器故展轉相訓左宣十二年正義引樊  
光曰坎卦水也水性  
平律亦平銓亦平也

矢誓也

相約

誓者上文云謹也說文云約束也釋名云誓制也以拘制之  
也曲禮云約信曰誓矢者論語夫子矢之釋文引孔鄭繆播  
皆云矢  
誓也

舫舟也

竝兩

說文云舟船也釋名云舫又曰舟言周流也通作周考工記  
總目云作舟以行水鄭注故書舟作周鄭眾云周當爲舟舫  
者方之假音也詩云不可泳思不可方思又云方之舟之泳  
之游之故此及下條分釋之蓋謂方本訓舟亦舟之類故即  
云方舟也泳本訓潛亦游之類故即云泳游也此皆爾雅釋  
言之意郭氏以爲竝兩船者蓋據釋水之方舟爲併兩船而

欲移注此文不思彼云大夫方舟則方舟二字連讀此云舩舟也則舩卽是舟與彼異義郭欲一之蓋爲失矣通作舩文選贈蔡子篤詩云舩舟翻李善注舩與方同

泳游也

潛行游水底

游者汙之假音也說文云浮浮行水上也汙或从囚聲作泅列子說符篇云人有濱河而居者習於水勇於泅通作游列子黃帝篇云能游者可教也周禮萍氏云禁川游者竝以游爲浮水之名也泳者釋水云潛行爲泳郭注水底行也必知泳爲水底行者黃帝篇云彼中有寶珠泳可得也商臣開復從而泳之既出果得珠焉據開得珠不容浮行水上故知泳爲潛行水底也潛則非浮而云泳游也者方言云潛沈也楚鄂以南或曰潛潛又遊也郭注潛行水中亦爲遊此言與爾雅合矣說文又云古或以汙爲沒沒謂沈入水中與潛行水底之義又合則汙又爲沒沒謂沈入水中與潛行水底之義又合

迨及也

東齊曰迨

及者釋詁云與也迨通作隸說文隸及也引詩隸天之未陰雨今詩隸作迨標有梅萼有苦葉伐木俱作迨字方言云迨及也東齊曰迨

冥幼也

幼稚者冥昧

幼者窈之假音也說文云窈深遠也詩關雎傳窈窕幽閒也  
 窈窕疊韻窈之言幽幽窈雙聲也通作宵史記項籍紀集解  
 徐廣曰窈一作宵又通作杳文選西都賦云又杳窈而不見  
 陽杳窈即窈窕也故李善注窈與杳同又通作幼窈从幼聲  
 因省作幼故詩斯干釋文幼本或作窈正義云幼爾雅亦或  
 作窈是窈為正體幼為借聲大戴禮誥志篇云幽幼也亦以  
 聲同為義郭注以幼稚為言蓋失之矣冥者說文云幽也幽  
 亦幼故斯干傳冥幼也幼亦窈故正義引孫炎曰冥深闇之  
 窈也又引某氏曰詩曰噉噉其冥為冥窈於義實安然則毛  
 傳之冥幼即冥窈審矣且冥窈連文經典非一老子云窈兮  
 冥兮其中有精莊子在宥篇云至道之精窈窈冥冥史記項  
 籍紀云窈冥晝晦文選魏都賦云雷雨窈冥而未半皆爾雅  
 冥窈之正文也文選舞賦云獨馳思乎杳冥李善注杳冥謂  
 遠而出冥也莊子逍遙遊篇釋文引簡文注宵冥無極故謂  
 之冥說文云窈窈冥也  
 皆爾雅冥窈之異文也

降下也

下降釋詁云落也此云降下也轉相訓釋文降古巷反  
 一音戶江反按降古戶紅反下戶古反降下一聲之轉

備均也

齊等

均者說文云平徧也詩秉國之均毛傳均平也六轡既均傳云均調也通作鈞又通作旬亦徧也備者說文云均也直也詩昊天不備傳備均也通作庸釋文備韓詩作庸

強暴也

強梁凌暴

暴者說文作暴云疾有所趣也玉篇作暴今作暴穀梁宣二年傳而暴彈之范甯注暴殘暴通作蹙釋文暴字又作蹙同蒲報反周禮序官胥師注司蹙禁暴亂文選蕪城賦注引字書云蹙古文暴字強通作彊詩蕩傳云彊禦彊梁禦善也彊

梁即麤暴

窕肆也

輕窕者好放肆

肆力也

肆極力

肆者說文云極陳也陳之爲言伸也伸有展放之意故肆又訓放也縱也縱有舒長之意故肆又訓長也緩也緩長有直遂之意故肆又訓直也遂也是皆從陳義而生也凡陳設必有區域故縣鐘磬全爲肆周禮小胥所言之也市廛貨物所居亦爲肆論語百工居肆是也是又從陳義而推也窕者下文云閒也閒有寬意與深遠義近故說文云窕深肆極也既

言深又言肆者義本爾雅言肆又言極者肆之至極極卽力也是說文以一句兼釋二義郭云輕窳者好放肆蓋讀窳爲佛釋文因之而云窳吐影反此皆誤矣唯說文與爾雅義合今據以訂正○肆又訓力者力猶極也說文肆極陳也窳深肆極也皆以極肆連言可知肆有極義故小爾雅云肆極也左氏昭十二年傳昔穆王欲肆其心周語云藪澤肆旣晉語云肆侈不違呂覽仲春紀云無肆掠淮南傲真篇云無所肆其能也注皆訓肆爲極極卽盡力之義故說文以肆爲極爾雅以肆爲力其義同力極之聲又近

倣戴也

詩曰戴弁倣倣

戴者說文云分物得增益曰戴釋名云戴載也載之於頭也通作載經典載戴通用詩載弁倣倣郭引亦作戴矣倣者說文云冠飾貌引詩戴弁倣倣所引正與郭合服亦戴也釋訓云倣倣服也郭注謂戴弁服釋文倣本亦作練

瘞幽也

幽亦蕤也

髦屬也

毛髦所屬

屬者屬之假借也說文云縞西胡毳布也通作屬王會篇伊尹四方合曰正西紕屬爲獻一切經音九引三蒼云髦毛也

書禹貢正義引舍人曰菴謂毛罽也胡人續羊毛作衣又引孫炎曰毛菴爲罽

烘燎也謂燒燎

燬娃也今之三燬竈見詩

燎者說文云放火也廣雅云燒也燒燎義同在野曰野燒在庭曰庭燎其義一耳烘者詩印烘于燬傳烘燎也正義引舍

人曰烘以火燎也釋文烘火東反徐又音洪說文巨凶甘凶二反孫炎音恭爾雅釋文郭巨凶反餘音略同○娃者說文

云行竈也从圭聲讀若同玉篇口同烏圭二切釋文引顧與玉篇同郭音恚字林口穎反詩釋文又巨弭反詩正義云娃

者無釜之竈其上然火謂之烘本爲此竈上亦然火照物若今之火爐也按此火爐蓋如今燒炭所用郭云三隅竈者蓋

如今之風爐形似筆筒缺其上口爲三角以受風謂之風竈形制大小隨人所爲舟車皆可攜帶故說文謂之行竈也又

今登萊人謂竈爲餅縮娃其音正作口穎切此古音矣燬者說文云娃也玉篇云竈也詩白華傳燬娃竈也正義引舍人

與毛傳同

陪朝也

陪位爲朝

朝者曲禮云天子當宁而立諸公東面諸侯西面曰朝自虎通云朝者見也大宗伯云春見曰朝鄭注朝猶朝也欲其來



之早然則朝兼朝旦為義也文選古意酬到長史漑登瑯邪  
城詩云金溝朝瀾澹李善注小水入大水曰朝說文作淖云  
水朝宗于海是朝又取水淖為義也陪者說文云重土也玉  
篇云貳也隨也加也助也益也是陪有加益之義朝亦所以  
助益人君如土壤增崇於山細流益潤於海故參乘  
曰陪乘加鼎曰陪鼎侍朝曰陪位皆其義矣陪培通

康苛也

謂苛刻

苛者說文云小艸也按苛為小艸故又為細也煩也重也又  
擾也一切經音義十六引國語賈逵注云苛猶擾也通作荷  
經典多借荷為苛如晏子春秋諫上篇云執法之吏竝荷百  
姓漢街彈碑云吏無荷擾之煩皆以荷為苛也康者釋器云  
康謂之盪康亦細碎與  
苛擾義近聲又相轉

樊藩也

謂藩籬

藩者詩价人維藩傳藩屏也一切經音義廿引蒼頡篇云藩  
蔽也易大壯馬融注藩籬落也通作蕃詩四國于蕃蕃即藩  
字之省故大司徒九曰蕃樂杜子春讀蕃樂為藩樂大司馬  
蕃畿即職方之藩服矣樊者楸之假借也說文云楸藩也通  
作樊詩折柳樊圃止手樊傳竝云樊藩也正義引孫炎曰樊  
圃之藩也按樊又訓邊也傍也崖也皆從藩籬之義而生也

止于樊說文引作止于林漢書昌邑王傳作止于藩史記滑稽傳作止于蕃竝同聲通借字

賦量也

賦稅所  
以評量

量者說文云稱輕重也王篇力姜力尚二切釋文亦具二音周禮序官量人注量猶度也禮運月以爲量鄭注量猶分也華嚴經音義上引國語賈逵注量分齊也賦者說文云斂也詩烝民傳賦布也呂覽分職篇注賦予也方言云賦與操也是賦兼取予其義則皆爲量也故魯語云賦里以入而量其有無然則賦斂賦稅卽爲量入賦布賦予卽爲量出賦之爲言撫也撫端料量郭注但以賦稅爲言失之

糗糧也

今江東  
通言糗

糧者說文云穀也詩乃裹餼糧又爲乾食之名故周禮廩人注行道曰糧謂糗也糗爲總名通作糗玉篇云糧同糧公劉釋文糧本亦作糗糗者詩以時其糗王制云五十異糗箋注竝云糗糧也雜記云載糗鄭注糗米糧也是糗亦兼二義

庶侈也

庶者眾多  
爲奢侈

庶幸也

庶幾  
僥倖

侈者說文云奢也庶者釋詁云眾也楚語云不陳庶侈通作侈詩爲豆孔庶箋庶侈也正義引舍人曰庶眾也侈多也又

皇青經釋

卷五

郝戶部爾雅義疏

七

引孫炎曰庶豐多也釋文彤字又作侈○幸者說文作𡇗云吉而免凶也晉語云德不純而福祿並至謂之幸小爾雅云非分而得謂之幸庶又爲幸者說文云欽𡇗也欽猶覲也覲亦幾也庶幾皆僥倖之意

筑拾也

謂拾撥

拾者說文云撥也撥拾取也筑者書云盡起而築之釋文及正義引馬鄭王皆云築拾也史記魯世家集解引馬融曰禾爲木所偃者起其木拾其下禾通作筑金賸釋文築本亦作筑又通作督小爾雅云督拾也又省作叔說文云叔拾也詩九月叔苴

毛傳同

樊駟也

今江東呼大爲駟駟猶麤也

此有二本郭本作樊駟也說文樊駟大也樊與壯同釋詁云壯大也此皆郭義所本樊尤孫炎本竝作將且也

集會也

會者釋詁云合也公羊隱元年傳會猶最也月令及樂記注會猶聚也聚最古字通皆合眾之詞諸侯相見曰會亦合眾之稱也集者說文以爲彙字之省云羣鳥在木上也集从彙彙三佳也會从人从三合也故會集其義同詩小毖箋集會

也

舫泝也

水中  
箬筏

泝者說文云編木以渡也方言云泝謂之箬箬謂之筏筏秦  
晉之通語也楚辭惜往日篇注編竹木曰泝楚人曰泝秦人  
曰箬也按箬即筏字詩漢廣釋文引郭云木曰箬竹曰筏小  
筏曰泝不同者泝筏箬皆同類其竹木隨地所宜耳釋文泝  
本亦作泝又作桴或作桴竝同又引樊光爾雅本作桴今爾  
雅釋文樊本作桴即桴字之誤矣舫者亦方之假借也上  
訓舟此訓泝者泝舟同類釋水云士特舟庶人乘泝齊語云  
方舟設泝皆其義也詩不可方思方之舟之傳箋竝云方泝  
也正義引孫炎云方水申為泝筏也爾雅釋文方樊本  
作坊坊蓋枋字之誤枋與舫同見史記張儀傳索隱

洵均也

謂調  
均

洵龕也

未  
詳

均者已詳上文洵者旬之假借也說文云旬徧也徧即均故  
又云均平徧也十日為旬旬之言宣也宣徧亦見上文詩來  
旬來宣傳旬徧也其下侯旬傳旬言陰均也易雖旬无咎管  
子侈靡篇云旬身行注皆以旬為均也旬均古通用故內則  
云旬而見鄭注旬當為均聲之誤也易說卦坤為均今亦或  
作旬也周禮均人注亦同茲說今按雖旬无咎釋文旬苟作

均亦其證矣通作詢詩詢直且侯傳詢均也桑柔正義云某氏引此詩李巡曰詢編之均也又通作詢尚書大傳云詢十

有二變鄭

注詢均也

逮還也

今荆楚人皆云還音沓

還者說文云迨也玉篇云迨還行相及方言云還及也關之東西曰還或曰及然則還逮俱訓及逮還聲又相轉釋文云還孫郭徒荅反又云沓與上同亦徒荅反今按宋雪聰本及明吳元恭本郭注還下俱有音沓二字今本則無據釋文則

唐以前本有之今補

是則也

是事可法則

則者釋詁云法也是者徒之假音也說文云徒徙行貌引爾雅曰徙則也詩好人提提釋訓作媿媿與此義合方言云徙行也又云自關而西秦晉之間凡細而有容謂之媿或曰徙說文云媿媿也是媿徙古字通然則儀容行動俱謂之徙容止可法故謂之則正與下文威則也同義徙外是聲因省作是郭葢未檢方言說文故緣詞生訓耳

畫形也

畫者爲形象

形者說文云象形也釋名云形有形象之異也按容色體貌皆形之類形謂表見故又訓見也畫者釋名云繪也以五色繪物象也說文云畫介也象田四介聿所以畫之按畫繪之事起於古之畫井經田古者山川地域皆有圖畫周禮一書言圖非一遂人云以土地之圖經田野造縣鄙形體之濶鄭注形謂制分界也然則田有界畫以觀縣鄙之形體地有圖畫以寫天下之形勢物有圖畫以盡萬物之形容此皆畫訓形之義也

賑富也

謂隱賑富有

富者說文云備也一曰厚也論語顏淵篇集解及皇侃疏竝云富盛也按富从畐聲有盛滿之義也賑者說文云富也郭云隱賑富有隱與殷同殷訓眾盛故文選西京賦云鄉邑殷賑辭綜注殷賑謂富饒也蜀都賦云邑居隱賑劉逵注隱盛也賑富也羽獵賦云殷殷軫軫李善注殷軫盛貌也是殷軫卽隱賑音轉字變又爲輝賄賂二城玉篇云輝賄富有也是皆疊韻之字其義卽存乎聲也

局分也

謂分部

分者說文云別也淮南本經篇云各守其分高誘注分猶界也禮運注分猶職也樂記注分猶部曲也皆有分別之義也

局者說文云促也外口在尺下復局之一曰博  
所以行碁曲禮云左右有局鄭注局部分也

儕怒也

詩曰天之方儕

怒者說文云恚也匡謬正俗云怒字古讀有二音按古音不分上去二音實一音也儕者詩板傳云怒也正義引舍人曰儕怒聲也舍人知怒爲聲者素問五運行大論云其志爲怒王冰注怒直聲也是怒亦有聲然非通義

僛聲也

謂聲音

聲亦音也通作磬大射儀注古文聲爲磬按說文聲从殸聲殸籀文磬也僛者說文云聲也讀若肩玉篇云僛小聲也字書僛同釋文云僛動草聲也字又作僛廣韻同又鷺息之聲又僛僛呻吟也龍龕手鑑一作僛僛呻吟也今按說文玉篇但言聲廣韻乃有鷺鳥動草呻吟之說今竝未聞僛卽肩之或體肩从骨聲與僛从悉聲音本相近郭讀音契則聲轉矣通作肩漢書武帝紀云著見景象肩然如有聞肩卽僛也

葵揆也

詩曰天葵之揆度

揆者說文云葵也按此雖本爾雅但爾雅本爲解經經有葵字乃揆之假借故此釋云葵卽揆也亦如甲狎暮暮之例至

於說文本爲訓義不主假借當言揆度而言揆葵則義反晦矣疑此許君之失也葵者詩天子葵之則莫我敢葵傳箋竝云葵揆也○度者釋詁云謀也經典揆俱訓度一切經音義九引孫炎曰揆商度也

逮及也

怒飢也

怒然飢意

怒者釋詁云思也說文云憂也憂思義同又訓飢者蓋言憂思之意迫切如飢耳故詩汝墳傳云怒飢意也意卽思故箋云怒思也說文以怒爲飢餓蓋意字之誤本於毛傳也正義引李巡曰怒宿不食之飢也蓋本毛傳朝飢而於詩及爾雅意又失也知者詩有二怒怒焉如擣毛亦訓思可知飢非怒之本義

眡重也

謂厚重見左傳

眡者說文云目有所恨而止也重者重也累也郭引左氏隱三年傳憾而能眡者鮮矣杜預注恨則思亂不能自安自重經典眡字唯此一見通作疹詩雲漢釋文瘳韓詩作疹恥吝反云重也按疹籀文眡字一切經音義六引三蒼云眡腫也腫與重聲義同



獵虐也

凌獵 暴虐

虐者說文云殘也殘兼暴害賊惡諸義獵者畋獵逐禽亦為殘害於物也邵氏正義曰古者以殺為虐書呂刑惟作五虐之刑墨子尚同篇作惟作五殺之刑左氏宣十五年傳虐我伯姬獵訓為虐與釋詁獮殺也義同

土田也

別二名

田者說文云陳也樹穀曰田一切經音義一引蒼頡篇云田種禾稼也釋名云已耕者曰田田填也五稼填滿其中也土者釋名云土吐也能吐生萬物也然則土為田之大名田為已耕之土對文則別散則通也

戍遏也

戍守所以止寇賊

遏者釋詁云止也一切經音義一引蒼頡篇云遏遮也按遮謂遮迺守之與戍義正同戍者說文云守邊也从人持戈詩揚之水傳戍守也守有止定之義又有遮迺之義皆與遏同意

師人也

謂人眾

人者統詞也對眾而言則人為寡詞周語云人三為眾是也對寡而言則人為眾詞穀梁莊十七年傳人者眾辭是也爾

雅此義卽本之穀梁師者釋詁云眾也  
二千五百人爲師是師爲人眾之稱

砧鞞也

砧然  
堅固

砧者釋文云苦角反則當作砧但說文砧石聲與鞞義遠砧  
訓石堅則與鞞近釋詁鞞並云固也釋文鞞或作砧古黯  
反是故砧通疑  
此作砧是也

棄忘也

忘者說文云不識也不識卽今云不記得棄者說文云捐也  
捐棄與遺忘義近忘猶亾也棄猶去也去亾義又同經典棄  
訓忘者如詩將安將樂女轉棄予言安樂相忘也又云棄予  
如遺對上真予于懷而言忘我之甚如遺失物也故下遂言  
忘我大德以結上二章傳箋或失之又左氏昭十三  
年傳南蒯子仲之憂其庸可棄乎亦以棄爲忘也

蹶閑也

蹶然閑  
暇貌

閑者閑之假借也經典遊間燕閑及閒習閒暇通假爲閑故  
詩十畝之閒釋文閒本亦作閑史記畱侯世家云良嘗閒從  
容步遊下邳圯上索隱曰閒閑字也蹶者說文云聲也詩選  
徒囂囂左氏成十六年傳在陳而囂合而加囂又甚囂且塵

上竝以囂為聲也軍中無聲好整以暇唯選數車徒囂囂有聲然仍閒暇整齊是囂為聲之閒也故爾雅釋以囂閒囂閒又一聲之轉釋文囂許嬌反此音是也又五刀反非矣五刀乃敖字之音應在釋訓釋文此囂讀如字

謀心也

謀慮以心

心者釋名云心纖也所識纖微無物不貫也白虎通云心之為言任也管子心術篇云心者智之舍也然則智藏於心心任於思思與智即謀慮所從出矣謀者說文云慮謀思也本釋詁文洪範云聰作謀此云謀心也者論衡超奇篇云心思為謀謀心思於易竝屬坎

獻聖也

諡法曰聰明睿智曰獻

白虎通云聖者通也道也聲也詩凱風傳聖叡也洪範五行傳云心之不容是謂不聖獻者莊子大宗師篇釋文引向秀注獻善也論語八佾篇集解引鄭注獻猶賢也賢善皆與聖近故賈子道術篇云且明且賢此謂聖人諡法云稱善賦簡

曰聖聰明叡哲曰獻蔡邕獨

斷叡哲作睿智郭注本此

里邑也

謂邑居

說文云邑國也釋名云邑猶他也邑人聚會之稱也小司徒注四井爲邑方二里初學記引尚書大傳五里爲邑管子小匡篇六軌爲邑不同者以周禮九夫爲井準之四井則三十六家以管子五家爲軌計之六軌則三十家故齊語云制鄙三十家爲邑也然論語又云十室之邑千室之邑蓋邑爲通名大不過千室小不過十家其中容有畸零十與千舉成數耳里者說文云居也御覽一百五十七引風俗通云里者止也止卽居故左氏襄九年正義引李巡云里居之邑也遂人云五鄰爲里里二十五家也小匡篇云十軌爲里里五十家也古微書引論語誤考文云古者七十二家爲里公羊宣十五年傳注一里八十戶雜記注引王度記云百戶爲里管子度地篇亦云百家爲里是里數不同亦猶邑名靡定古者邑里通名故詩于蹶之里傳云里邑也里宰云掌比其邑之眾寡鄭注邑猶里也是邑里通

**襄除也**

詩曰不可襄也

玉篇云除去也開也曲禮注除治也周禮典祀注修除芟培之是除又兼掃除芟除爲義也襄者諡法云辟地有德曰襄辟卽開除之義故詩牆有茨及出車傳並云襄除也通作攘離騷云忍尤而攘詬詩車攻序外攘夷狄史記龜策傳西攘大宛並以攘爲除也龜策傳集解徐廣曰攘一作襄是襄攘通爾雅釋文襄或而羊反而羊卽攘字之音

振古也

詩曰振古如茲猶云久若此

古者釋詁云故也故有久舊之義振者聲近塵釋詁云塵久也久故與古義近詩載芟傳振自也自有始義亦與古近等云振亦古也皆本爾雅故正義云毛義與鄭不殊郭云久若此者本詩南有嘉魚箋云烝塵也塵然猶言久如也

懟怨也

縊介也

縊者繫介猶闕

介者說文云畫也文選魏都賦注引韓詩章句云介界也是介訓界畫即分別之義也縊者說文云以絲介履也介字義本爾雅亦取分限爲義也釋文引李孫顧舍人本竝云補羅也介別也按字書無補字集韻補或作補與爾雅不合今以補訓羅推之疑補即縊之譌縊猶離也離羅聲轉而義亦同故方言云羅謂之離離謂之羅然則離訓爲羅介訓爲別正與李孫顧舍人之義合矣

號諄也

今江東皆言諄

諄者說文云評諄也通作嘑說文嘑唬也周禮雞人云夜嘑且又通作嘑說文嘑說文嘑嘑也按嘑嘑猶號諄也又通作嘑曲

禮云城上不呼釋文呼號叫也詩蕩釋文呼崔本作諄爾雅  
釋文諄又作呼號者詩碩鼠傳呼也說文同通作諄說文云  
諄號也又通作號冀州從事郭君  
碑云卜商號咷卽易云號咷也

凶咎也

苞稹也

今人呼物叢  
綴者爲稹

稹者說文云種稹也引周禮曰稹理而堅考工記注稹致也  
詩摯羽箋稹者根相迫迮相致也致與綴同稹與稹同故聘  
義云稹密以栗鄭注稹綴也鴉羽釋文稹木又作稹苞者釋  
詁云豐也是豐之種也鴉羽傳苞稹也正義及書禹貢正義  
竝引孫炎曰物叢生曰苞齊人名曰稹文選六  
代論注引易鄭注云苞植也植卽稹之形譌耳

逌寤也

相干  
寤

寤者臧氏琳以爲悟之假借也悟者說文云逆也通作迕一  
切經音義七引聲類云迕逆不遇也又通作悟史記漢書注  
竝云悟逆也皆悟之通借也逌者當作午釋文孫本迕字作  
午此蓋古本證以說文云午悟也五月陰气午逆陽冒地而  
出是午爲悟逆孫炎義與說文同故臧氏經義雜記六本此  
爲說又引史記鄭世家以爲寤生者謂悟逆難生久不得下

故驚武姜也然則寤之言悟因其悟逆故名之曰寤生遂惡之左傳與史記義尤合矣

頽題也

題額也詩曰麟之定

題者說文云頽也莊子馬蹄篇云齊之以月題釋文引司馬崔云題馬頽上當顛如月形者也題顛聲轉故詩麟趾傳釋文題本作顛矣頽者即下文云顛頂也顛頂頽又一聲之轉釋文頽字又作定詩釋文定字書作頽今按作定為正

猷肯可也

詩曰猷來無棄肯今通言

可者說文云冒也猷者與猶通故詩猶來無止之子不猶傳並云猶可也公羊文六年宣八年傳並云猶者何通可以已也穀梁傳云猶之為言可以已也又云猶者可以已之辭也是皆猶訓可之證肯者春秋宣四年經云公及齊侯季莒及邾莒人不肯不肯即不可也詩惠然肯來噬肯適我箋並云肯可也齊策云客肯為寡人來靖郭君乎高誘注亦云肯猶也

務侮也

詩曰外禦其侮

侮者說文云傷也傷當作傷傷輕也玉篇云侮慢也方言云秦晉之間罵奴婢曰侮然則侮人而以奴婢遇之輕慢之甚

也務者侮之假音也詩外禦其務左氏僖廿四年傳及周語並作外禦其侮是侮借爲務故詩常棣箋本爾雅云務侮也明務卽侮字非以侮訓務也經典此例極多如爾雅甲狎幕暮之類皆是

貽遺也

相歸遺

遺者曲禮云凡遺人弓者楚辭湘君篇云將以遺兮下女釋文及王逸注並云遺與也貽者詒之或體也說文云詒遺也詩雄雉天保傳及谷風小明思文有駟箋又梓人及表記注並云詒遺也文王有聲箋詒猶傳也傳付亦遺與也通作台釋詁云台子也台卽詒子卽與也別作貽詩雄雉及靜女釋文並云貽本作詒斯干釋文又云詒本作貽蓋貽詒二字經典通用實則詒爲正體貽乃別體耳

賀買也

廣二名

賄財也

財者說文云人所寶也玉篇云所以資生者納財謂食穀也貨也賂也大宰以九賦斂財賄鄭注財泉穀也坊記先財而後禮注財幣帛也然則財賄實泉帛穀粟之通名矣賄者說文及詩氓傳並云賄也玉篇贈送財也聘禮注賄子人財之

是青經

卷之三

郝戶部爾雅義疏

三



言也然則經典言賄實兼財贈二義爾雅但云財者財賄通名贈人以財亦為賄也

甲狎也

謂習得

狎者釋詁云習也甲者詩芄蘭傳甲狎也言甲即狎字釋文甲韓詩作狎是韓用本字毛假借也

莢騷也莢亂也

詩曰毳衣如莢莢草色如騷在青白之間

莢亂見釋草此云騷者說文云莢萑之初生一曰亂一曰騷詩大車傳莢騷也騷云莢亂也皆本爾雅騷釋文从馬旁云如騷馬色也詩正義从鳥旁鄭志荅張逸云騷鳥青其草色亂亦青故其青者如騷是蓋正義所本馬瑞辰說鄭君據毛傳本作騷从鳥旁不从馬旁釋文蓋據爾雅改毛傳也

粢餐也

今河北人呼食為餐

說文云餐吞也餼餽也是二字義別郭本作餐釋文作餼故云餼本又作餐字林作餼云吞食然吞是餐之訓而以詁餼則非詩緇衣釋文亦云餐餼也此皆非矣餐者漢書惠帝紀注應劭曰坐釋米使正白為白餐是餐為米名非食名爾雅以餐為餐明其假借蓋據詩言授子之餐即謂與之以食知者詩言素餐猶素食耳

渝變也

謂變

說文云變更也渝變汗也詩羔裘傳及板箋竝云渝變也通作輪廣雅云輪更也更亦變也左氏隱六年經鄭人來渝平傳云更成也公羊穀梁渝竝作輪傳云輪墮也墮壞亦變更之義爾雅釋文渝舍人作孺孺蓋渝之或體見玉篇

宜肴也

詩曰與子宜之

肴者說文云啖也玉篇云俎實又啖肉也按肴从肉故訓啖肉知說文啖下脫肉字初學記廿六引說文作肴雜肉也此蓋別本廣雅云肴肉也通作殺經典殺肴通用詩禮記公羊釋文詳矣宜者詩與子宜之傳宜肴也正義引李巡曰宜飲酒之肴也

夷悅也

詩曰我心則夷

悅者釋詁云悅樂也夷者詩云胡不夷既夷既擇亦不夷擇傳箋竝云夷悅也楚辭九懷篇注夷喜也喜亦悅也郭引詩我心則夷此夷毛傳訓平以上章已云我心則說故此變爲平實則和平亦悅擇也夷釋文作悵俗

顛頂也

上頭

頂者說文云顛也顛頂也方言云顛頂上也按上謂頭上頭上即顛頂顛頂雙聲義亦互訓

耄老也 八十為耄

老者說文云考也釋名云朽也獨斷云老謂久也舊也壽也耄者詩車鄰傳耄老也八十曰耄正義引孫炎曰耄者色如生鐵爾雅釋文引作老人面如鐵色釋名云耄鐵也皮膚變黑色如鐵也按耄說文及釋名俱本毛傳以為八十易釋文引馬融注及詩正義引左傳服虔注竝云七十曰耄左傳正義又引舍人云年六十稱也杜預僖九年注從服虔何休宣十二年注從舍人是耄無正訓故有六十七十八十之異要為老壽之稱則同故爾雅以耄為老曲禮云七十曰老

輶輕也 詩曰德輶如毛

輕輶說文竝云輕車也詩駟鐵及烝民傳箋竝云輶輕也文選幽通賦注引曹大家曰輶德德輕而易行也

淺淺也 詩曰小戎淺收

淺者說文云不深也淺者詩小戎傳箋竝云淺也管子參患篇云甲不堅密與淺者同實尹知章注淺謂無甲單衣者又云將徒人與淺者同實尹注淺單也按單薄亦淺略也小戎釋文引韓詩云駟馬不著甲曰淺駟是管子注所本通作踐

詩有踐家室傳踐淺也又通作翦既夕禮云緇翦鄭法翦淺也今文翦作淺又聲轉爲竊釋獸云虎竊毛謂之號貓郭注竊淺也今按不獨此也釋鳥說諸鳥之名有竊監竊黃竊脂竊丹竊以竊爲淺也

綯絞也

糾絞繩索

絞本切直之義又爲繩索之名喪服傳云絞帶者繩帶也是繩爲絞絞者交也雜記疏云兩股相交謂之絞是其義也綯者詩宵爾索綯正義引李巡曰綯繩之絞也是綯爲繩方言云車紂或謂之曲綯郭注綯亦繩名是也此注糾絞失之

訛化也

詩曰四國是訛

化者說文云教行也華嚴經音義上引珠叢云教成於上而易俗於下謂之化今按化與匕同說文云匕變也从到人然則化亦變易舊形之義也訛者叱之或體也說文云叱動也動作與變化義近故詩四國是叱傳叱化也通作訛節南山箋訛化也又通作譌方言云譌化也郭注譌化聲之轉也

跋躡也

詩曰狼跋其胡

寔跲也

詩曰載寔其尾

躡者獵之或體也獵有從旁陵獵之義不陵節之謂遜反遜爲獵獵猶捷也捷行出前也跋者跟之假音也說文云跟步

行獵跋也獵即躡跋即躡也說文跋躡也一切經音義十五引聲類云狼跟躡跟也躡即躡跟亦跋是詩之狼跋即狼跟俗作狼跟誤矣爾雅跋當讀為跟釋文跋蒲未反非也又云郭音貝是郭正讀跋為跟臧氏經義雜記廿九論之詳矣○踰者說文云躡也中庸注同玉篇踰渠劫居業二切釋文郭又音甲寔者躡之假音也說文躡踰踰也引詩載躡其尾通作寔說文寔礙不行也詩正義引李巡曰躡前行曰躡踰卻頓曰寔

烝塵也

人眾所以生塵埃

塵者釋詁云久也通作填詩倉兄填兮傳填久也又通作寘寘與填同也烝者釋詁云眾此云塵者詩南有嘉魚箋烝塵也塵然猶言久如也東山箋烝塵也毛傳烝寘也常棣傳又云烝填也鄭箋古聲填寘塵同東山箋亦云古者聲寘填塵同也是寘填俱塵之假音烝塵亦語聲轉然則烝塵二字以聲為義不須訓詁詩柔柔正義引孫炎曰烝物久之塵郭注申之而云人眾所以生塵埃均為失矣

戎相也

相佐助

相者釋詁云導也勳也戎者詩烝也無戎傳戎相也爾雅釋文戎本或作戡顧如勇反

飫私也

宴飲之私

私者人之假借也說文引韓非曰蒼頡作字自營爲人通作私飫者說文作醜云私宴飲也文選注引薛君韓詩章句曰飲酒之禮下跪而上坐者謂之宴醜能者飲不能者已謂之醜醜通作飫說文饌燕食也詩飲酒之飫傳飫私也不脫屣升堂謂之飫正義引孫炎曰飫非公朝私飲酒也馬瑞辰曰飫有二義周語云王公立飫則有房烝親戚宴饗則有餼烝又云飫以顯物宴以合好此立飫之飫與燕異禮者也爾雅云飫私也說文饌燕食也韓詩作餼此飫私之飫與燕異名同實者也飫私即楚茨所云備言燕私傳謂燕而盡其私恩者耳毛傳飫私也本爾雅爲義又云不脫屣升堂謂之飫本周語立飫爲說蓋廣異義也箋云私者圖非常之事若議大疑於堂則有飫禮焉是以飫私卽爲立飫誤矣

孺屬也

謂親屬

屬者說文云連也釋名云續也恩相連續也孺者詩和樂且孺傳孺屬也正義引李巡曰孺骨肉相親屬也曲禮云大夫曰孺人鄭注

孺之言屬

幕幕也

幕然暮夜

暮者古字作莫說文云莫日且冥也按莫有二讀說文之莫音慕故切爾雅之莫當音慕各切左氏莊廿八年傳狄之廣莫小爾雅云莫大也宋咸注莫府言大也莫府即幕府矣幕者說文云帷在上曰幕覆食案亦曰幕方言云幕覆也釋名云幕幕絡也在表之俚也又云煮爾曰莫莫幕也貧者著衣可以幕絡絮也然則釋名以莫為幕爾雅以幕為莫其義正同幕絡新序雜事二作莫絡古字通用推是而言詩維葉莫莫莫猶幕幕也是爾雅古本作幕莫聲義相兼今本作幕暮傳寫誤改郭氏望文生義以暮為暮夜聲義俱乖矣

煽熾也熾盛也

互相訓煽義見詩

熾者說文云盛也詩六月傳同煽者煽之或體也說文煽熾盛也引詩豔妻煽方處通作扇漢書谷永傳注引魯詩作閭妻扇方處又通作煽毛詩十月之交傳煽熾也

是煽訓熾熾訓盛說文簡略故總曰煽熾盛也

抵本也

謂根本

本者說文云本下曰本醢人注昌本昌蒲根是矣抵者說文云木根也士喪禮云進抵士虞禮記載猶進抵鄭注並云抵本也今文抵為肌泉府云買者各從其抵鄭注抵實抵字抵本也通作邸典瑞云四圭有邸鄭注引爾雅曰邸本也按釋

器云邛謂之抵郭注根抵皆物之邛邛底通語也又通作氏詩維焉之氏傳氏本也周語云本見而草木節解韋昭注本氏也是氏抵同亢氏二星之閒名曰天根正以此也

窈窕

窈窕

閒者釋文音閒或如字蓋因郭注閒隙故存此音卽實非也閒暇也靜也寬也齊語云處士使就閒燕韋昭注閒燕猶清淨也楚辭招魂篇云像設君室靜閒安些王逸注空寬以閒清靜寬閒也是皆閒音閒之義也窈者上文云肆是深肆之閒也詩關雎傳窈窕幽閒也毛蓋以窈爲幽窈爲閒皆本爾雅鄭箋幽閒處深宮亦申毛義唯有正義誤會鄭箋以爲幽閒深宮亦猶郭注誤會爾雅以爲窈窕閒隙胥失之也王照圓詩經小記云窈意之幽也窈心之閒也其說是矣爾雅釋文窈舍人本作跳云跳者躍之閒此則師授之異不可通於今本及毛詩

淪率也

相率

率者當讀如律史記老莊申韓傳云大抵率寓言也正義曰率猶類也然則率律聲同律類聲轉古皆通用凡言相類或云昔律或云一律或云大率是其聲義俱通矣淪者詩淪胥以鋪無淪胥以亡無淪胥以敗傳箋竝云淪率也淪或爲動



後漢書蔡邕傳注作勳胥以痛勳帥也漢書敘傳注晉灼曰齊魯韓詩作薰薰帥也是三家作薰毛作淪淪薰古音相近皆前音偏之義故其字通淪率雙聲淪薰疊韻也

罹毒也

憂思慘毒

毒者廣雅云痛也惡也苦也罹者釋詁云憂也憂若義相成

檢同也

模範同等

同者共也俱也皆也詩車攻傳齊也吉日箋聚也說文合會也聚亦合會之義皆俱共即齊之義也檢者禁也局也又法度也皆無同義錢氏荅問云檢當為僉郭本為作檢今按小爾雅云僉同也是其證

郵過也

道路所經過

過者上文云逸僇過也過謂失誤凡非議人及罪責人亦為過也郵者古本作尤文選吊屈原文注引健為舍人爾雅注曰尤怨人也列子楊朱篇釋文引爾雅亦作尤過也是皆郵本作尤之證故詩載馳傳及四月箋又洪範五行傳注及論語為政篇包咸注並云尤過也俱本爾雅通作郵詩賓之初筵箋及王制注又晉語楚語注並云郵過也是皆借郵為尤

郭緣詞生訓以郵爲郵驛之郵誤矣然郵固借聲尤字亦非正體依文尤當作說詩俾無說兮傳說過也唯此爲正說文說罪也引周書曰報以庶說今呂刑說作尤載馳釋文尤本亦作說緣衣釋文說本或作尤是尤說古通用

遜遜也

謂逃也

遜與遁同說文竝云逃也玉篇云退還也隱也經典遁遜通易下經釋文遜字又作遂爾雅釋文與易同遜又作遁矣遜者說文云遁也通作孫詩公孫碩膚箋孫讀當如公孫于齊之孫孫之言孫遁也正義引孫炎曰遁逃去也

蹠蹠也

前覆債僵也

御

蹠者說文云僵也引春秋傳晉人蹠之陸又云蹠僵也讀若匍是蹠蹠同爾雅之蹠古本作仆說文云仆頓也釋名云仆蹠也頓蹠而前也釋木釋文蹠或作仆是仆蹠古字通蹠者說文云頓仆也或作蹠檀弓及表記注竝云蹠仆也左氏定八年正義引釋言云蹠仆也又引孫炎云前覆曰仆釋文引同是皆爾雅古本蹠作仆之證釋文蹠字亦作弊玉篇弊俗蹠字〇僵者說文云債也債僵也釋名云僵正直置然也然則僵仆皆顛頓之名但細分之仆是前覆僵爲御僵債蹠亦然故左氏隱三年傳鄭伯之車債于濟正義引舍人曰背蹠意也按背蹠謂仰仆卽御僵之義

眇眇也

謂眇絕

眇者釋詁云盡也眇者田界之盡也上文云眇致也致與盡義亦近眇眇俱从眇聲又以聲為義也

曷盍也

盍何也

盍者廣雅云何也玉篇云何不也通作盍檀弓云子盍言子之志於公乎鄭注盍皆當為盍盍何不也今按盍从盍聲古字通用故秦策云盍可忽乎哉盍即盍也又通作闔管子小稱篇云闔不起為寡人壽乎莊子天地篇云夫子闔行邪釋文闔本亦作盍闔亦从盍得聲也曷者說文云何也詩內曷字箋並訓何通作害詩害滸害否不瑕有害傳箋並云害何也菴榘及長發傳並云曷害也經典多以害為曷故書時日曷喪孟子作時日害喪書大誥凡言曷漢書翟方進傳並作害詩葛覃釋文害與曷同廣雅云害曷盍何也害曷盍俱一聲之轉

虹潰也

謂潰敗

潰者說文云漏也文選西都賦注引蒼頡篇云潰旁沒也詩召旻傳潰潰亂也虹者証之假借也說文云証讀也引詩日蝨賊內証今召旻傳作証潰也柳傳又作虹潰也爾雅釋文虹李本作降下江反今按降古讀若洪水經河水東北過黎

陽縣南注云尚書禹貢曰北過降水不遵其道曰降亦曰潰  
說文云泝水不遵道玉篇胡公胡江二切又泝潰也胡公卽  
虹字之音是泝與降同故李  
巡以降爲訃酈注以泝爲降

陪闇也

陪然冥貌

闇者說文云閉門也玉篇云幽也廣韻云冥也玉篇與暗同  
陪者玉篇與暗同釋文陪字林或作暗同烏感反一切經音  
義十二又以暗陪二形爲古文暗字皆非也陪於經典無見  
疑陰之別體也說文云陰闇也錢氏荅問云陪本當爲陰論  
語高宗諒陰鄭訓陰爲闇說文亦訓陰爲闇皆據此文古書  
陰與音通左傳鹿死不擇音是也本借音爲陰後人妄加自  
旁景純不援引經典而望文  
生義由於未通六書之旨

翻膠也

膠黏

膠者釋詁云固也固之言黏也黏訓黏也黏者當作昵說文  
云膠昵也昵與暱同釋詁云暱近也暱近與膠固義近聲借  
爲翻說文翻黏同云黏也引春秋傳曰不義不黏今左氏隱  
元年傳翻作暱考工記弓人注杜子春引作不義不昵云昵  
或爲翻是  
翻昵通

孔甚也

厥其也

夏禮也

謂常禮

夏者釋詁云常也秩亦常也禮爲天秩秩爲天常故周禮大宰注禮經常所秉禮法常所守也

闕臺也

城門臺

臺者門臺也禮器云不臺門古者天子諸侯門皆有臺城門亦然也闕者說文云闕闕城曲重門也爾雅以爲臺者門有臺也故詩出其東門傳闕城臺也釋文引孫炎云積土如水渚所以望氣祥也郭義本毛傳詳見釋宮闕謂之臺

囚拘也

謂拘執

拘者說文云止也按止如晉人止公之止止猶執也說文攷捕罪人是也囚者說文云繫也詩泮水傳及周禮序官掌囚注竝云囚拘也樂記云釋箕子之囚史記留侯世家作釋箕子之拘集解徐廣曰拘一作囚是囚拘同義

攸所也

所者一切經音義二引三蒼云處也所又語詞攸者經典俱訓所通作適說文作直云氣行貌讀若攸按漢書之攸多借適爲之如地理志鄠水適同九州適同五行志彝倫適敘彝倫適數竝以適爲攸也地理志注適古攸字

展適也

得自申展皆適意

適者一切經音義一引三蒼云悅也廣雅云善也善與悅皆快適之意展者釋詁云信也本以誠信爲訓亦兼屈信之義古屈伸字皆借信爲之故展又訓伸也舒也方言云舒勃展也舒亦自伸適之義舒伸適又俱一聲之轉

鬱氣也

鬱然氣出

氣與氣同鬱與鬱同鬱本香草以爲鬱鬯其氣芬芳故以氣言之一切經音義二引李巡曰鬱盛氣也詩雲漢釋文引韓詩云鬱隆炯炯素問至真要大論云諸氣贖鬱左氏定二年傳鬱攸從之杜預注鬱攸火氣也是皆鬱爲盛氣之義

宅居也

居者說文作尻云處也玉篇尻與居同宅者說文云所託也釋名云宅擇也擇吉處而營之也玉篇云人之居舍曰宅宅皆訓居說文訓託者託宅俱从毛聲故士相見禮注今文宅或爲託是託宅通又通作度方言云度尻也詩度之薨薨爰

究爰度傳竝云度居也書何度非及史記周紀作何居非其宜是皆度訓居之證古書宅多作度故書宅西縫人注作度西詩宅是鎬京坊記作度是鎬京此維與宅論衡初稟篇作此惟予度是皆宅作度之證宅度古同聲度居聲又近

### 休慶也

慶者說文云行賀人也詩慶既合居祭統云作率慶士箋注竝云慶善也月令注慶謂休其善也休者釋詁云美也美善義同故廣雅云休善也玉篇云休美也福祿也慶善也休與休同周語云晉國有憂未嘗不戚有慶未嘗不怡又云爲晉休戚是休訓慶也韋昭注以慶爲福休爲喜其義亦近

### 祈叫也

祈祭者叫呼而請事

叫者說文云嘑也詩北山傳叫號呼召也叫與誥通又與踟通說文踟誥誥云大呼也祈者釋詁云告也又訓叫者叫告義同故一切經音義九引孫炎曰祈爲民求福叫告之辭也大祝注祈嘏也嘏卽叫

### 濬幽深也

濬亦深也

深者玉篇云邃也遠也濬者說文作容云深通川也引虞書曰容吹濬距川或作濬古文作濬書濬哲文明正義引舍人

曰濬下之深也通作浚詩莫浚匪泉傳浚深也穀梁莊九年傳浚洙者深洙也幽者釋詁云微也微有深藏之意故詩伐木傳幽深也斯干傳幽幽深遠也

哲智也

智者說文作𦉰云識詞也釋名云智知也無所不知也哲者說文方言竝云知也書舜典正義引舍人曰哲大智也知智古字通智哲聲相轉經典哲亦多作智

弄玩也

尹正也

謂官正也

皇匡正也

詩曰四國是皇

正者釋詁云長也長亦君故廣雅云正君也詩傳箋竝云正長也是正兼官長君長二義尹者說文云治也治亦董正之義故詩都人士傳及書益稷鄭注竝云尹正也廣雅以尹爲官官之正也說文从尹爲君君之正也君尊所以尹正天下者也故經典君尹二字通○又言正者釋詁云董督正也說文云正是也匡者玉篇云方正也方直皆正之訓故詩六月箋及夏官序官匡人注竝云匡正也匡皇聲近故詩破斧傳皇匡也詩考引董氏云皇齊詩作匡是匡皇同毛傳以皇爲



匡本於齊詩其義互相證明也

服整也

服御之合整齊

整者說文云齊也文選東京賦注整理也服者詩服之無斃好人服之鄭箋竝云服整也郭以服御為言失之

聘問也

見穀梁傳

問者說文云訊也聘者說文作媯云問也通作聘云訪也訪亦問故詩靡使歸聘傳聘問也郭引穀梁隱九年傳同

愧慚也

殛誅也

書曰殛則殛死

誅者說文云討也曲禮注罰也大宰注責讓也今按誅有二義左氏莊八年傳誅屨於徒人費襄卅一年傳誅求無厭此皆以責讓為義也易雜卦云明夷誅也釋文引荀云誅滅也陸韓云傷也秦策云使復姚賈而誅韓非此皆以殺戮為義也以殺為義則誅與殊同殛者說文云殊也引虞書曰殛鯀于羽山段氏玉裁說文注謂爾雅殛當作極今略採其說云尚書鯀則殛死釋文殛本作極我乃其大罰殛之釋文殛本作極毛詩致天之屆鄭箋屆極也罰極紂於商郊牧野正義

屈極釋言文釋言又云極誅也武王致天所罰誅紂於牧野  
定本集注極皆作極極是殺非也據此箋疏可證爾雅是極  
非極又菴桺後子極焉鄭箋極誅也正義曰極誅釋言文此  
又一證又周禮八柄廢以馭其罪鄭注廢放也舜極於羽  
山是也又昭七年左傳昔堯殛鯀於羽山釋文極本又作極  
此又兩證又魏志武帝紀致屈官渡裴注引鴻範鯀則極於  
作極可證又鄭志荅趙商鯀放居東裔非誅於左傳說流四  
凶族投諸四裔而已舜實未嘗殺鯀而鯀歿於放所作極鯀  
者爲正極爲假借字極窮也窮與誅  
義相足說文曰誅討也討不必殺之

克能也

翌明也

書曰翌日乃瘳

翌者翌之假音也說文翌明日也玉篇作日明通作翌廣韻  
翌明日也漢書武帝紀云翌日親登嵩高應劭注翌明也書  
王翼日乃瘳郭引翼作翌越翼日  
癸巳漢書律厯志作若翌日癸巳

訥訟也

言訟

訟者說文云爭也訥者說文作詢或省作訥云訟也詩降此  
翰訥不告于訥傳箋竝云訥訟也通作訥荀子天論篇云君

子不爲小人何何也輟行楊倞注何何喧譁之聲與誦同又通作兕素問移精變氣論云粗工兕兕按誦說文或作說素問兕卽說之省荀子何亦詢之省矣誦訟以聲爲義也

晦冥也

冥者上文云幼也說文云幽也易豫釋文引馬云冥昧也詩斯于箋冥夜也晦者說文云月盡也月盡則光闇昧故詩酌傳晦昧也昧則幽昏故風雨傳晦昏也昏昧皆冥之義故公穀僖十五年傳竝以晦爲冥也冥讀如字釋文亡定反

奔走也

走者說文云趨也釋名云疾趨曰走走奏也促有所奏至也奔者說文云走也釋名云奔變也有急變奔赴之也按釋官云中庭謂之走大路謂之奔是奔走異經典則同故呂覽權勳篇云齊王走莒走卽奔也晉語云見王必下奔奔卽走也說文奔忝字皆从天故奔忝同意

逡退也

逡巡御去也外傳曰已復於事而逡

退者說文作復云御也鄉射禮注少退少逡遁也聘禮注退三逡遁也玉藻注俛逡遁而退著屨也遁皆與巡同鄭俱

本爾雅爲訓也。遂者說文云復也。復卽復字形近而譌。玉篇遂巡也。退也。卻也。廣韻遂巡退也。皆用爾雅可證矣。方言云遂循也。循與遁古音同。故或言遂遁。或言遂循。又言遂巡。並古字假借。皆言卻退不進也。漢鄭因碑云。遂遁退讓。正與此合。山陽太守祝穆後碑云。鄉黨遂遂。今論語作恂恂。亦退讓之義也。齊語云。有司已於事而竣。韋昭注。竣退伏也。文選東京賦云。已事而竣。辭綜注。竣退也。是竣皆遂之假借。

寔仆也

頓躓倒仆

上文云寔路也。寔路也。路與仆寔與躓俱聲義同。釋文仆音赴。亦路之聲變。

亞次也

次者玉篇云叙也。特性饋食禮。亞獻尸注。次猶貳也。按次从二聲。二與貳同。其義又爲副貳矣。亞者說文引賈侍中說。以爲次第也。經典亞皆訓次。通作惡。易繫辭云。而不可惡也。釋文惡於嫁反。荀作亞。亞次也。尙書大傳云。王升舟入水。鼓鐘觀惡臺。惡鄭注。惡讀爲亞。亞次也。

諗念也

相思念

是詩經

卷之三 郝一尸部爾雅義疏

是

論者詩四  
壯傳念也

屆極也

有所限極

極者釋詁云至也至亦極也屆者釋詁作艘而訓至說文云屆極也本此爲訓詩內屆字傳箋或訓至或訓極至極其義

同也屆極  
一聲之轉

弁同也

詩曰奄有龜蒙

弁蓋也

謂覆蓋

弁通作奄詩奄有四方傳奄同也又通作掩方言云掩同也○蓋者說文作盍云覆也通作盍玉篇云掩也釋名云蓋加也加物上也弁者說文云蓋也詩閔宮正義引孫炎曰弁覆蓋亦覆之義按釋魚說龜云前弁諸果後弁諸獵是弁爲覆蓋也通作奄上文云蒙荒奄也郭注奄奄覆也又通作掩文選懷舊賦注引埤蒼云掩覆也說文作掩覆也禮器云豚肩不掩豆聘義云瑕不揄瑜俱以揄爲覆蓋也又與盍同說文盍覆蓋也玉篇云於含切是盍弁聲義同

恫痛也

詩曰神恫時恫

痛者說文云病也廣雅云恫也傷與傷同方言注痛怨痛也恫者說文云痛也一曰呻吟也匡謬正俗云今痛而呻者江

南俗謂之呻喚關中俗謂之呻恫太原俗謂恫喚云通喚此亦以痛而呻吟其義一也又引爾雅郭音呻唎音通亦音恫字或作恫所引卽郭音義之文也說文引詩作神罔時恫云恫大貌與郭音同義異詩思齊傳本爾雅柔柔云哀恫中國史記燕世家云百姓怨恫皆以恫爲痛也柔柔釋文恫木又作痾痾蓋恫之或體見玉篇

握具也

謂備具

具者釋詁云供時共具也握者釋文引李本作幄云居位處之具也今按幄說文作幄云木帳也釋名云帳張也然則張施陳設與供具義近通作屋詩夏屋箋屋具也正義云釋言文

振訊也

振者奮迅

訊者迅之假借也振者說文云奮也文選甘泉賦注引韓詩章句同振奮卽振訊故廣雅云奮振也又云奮訊也訊卽迅故樂記注奮迅也管子勢篇云大周之先可以奮信信亦迅也迅爲正體信訊俱假音故詩雄雉七月釋文及樂記公羊莊八年釋文竝云訊本作迅迅訓疾疾有奮厲之意與振動義近振迅之聲又近也

閱恨也

相怨恨

恨者當作很玉篇云很戾也諍訟也一切經音義三引國語注很遠也違戾其義同闕者說文云恆訟也引詩兄弟鬩于牆从門从兒兒善訟者也詩常棣傳闕很也曲禮注很闕也是毛鄭俱作很爾雅釋文引孫炎亦作很云相很戾也很音戶懇反左氏僖廿四年正義引釋言亦作闕很又引李巡本作恨云相怨恨郭注從李巡今按恨很聲近義雖相成但作很於義為長郭從李非也

越揚也

謂發揚

揚者說文云飛舉也易揚于王庭鄭注揚越也越者聘義云叩之其聲清越以長鄭注越猶揚也周語云汨越九原又云以揚沈伏而黜散越韋昭注並云越揚也詩對越在天對越即對揚猶云對揚王休也鄭箋對訓配越訓於似失之

對遂也

詩曰對揚王休

對者詩以對于天下對揚王休流言以對毛傳並云對遂也祭統云對揚以辟之鄭注亦云對遂也對遂古音相近以聲為義也

燬火也

詩曰王室如燬燬齊人語

火者古讀如毀說文燬火互訓明其聲同釋名云火化也消  
化物也亦言毀也物人中皆毀壞也詩七月流火與八月萑  
葦韻是皆火讀如毀之證今音又轉爲呼果切故詩汝墳釋  
文引郭璞燬又音貨是今音矣詩正義引李巡云燬一名火  
孫炎云方言有輕重故謂火爲燬此皆以音讀爲訓於義亦  
通燬說文引作焜字異音同方言云燬燬燬燬燬燬燬燬燬  
猶齊言焜火也周禮序官司焜氏注焜讀如衛侯  
燬之燬是燬焜同說文以焜爲燬之重文與鄭異

懈怠也宣緩也

謂寬緩

懈怠郭氏無注一切經音義十八引集注云按懈流漩有懈  
者極也怠者懈也今按極謂疲劇也懈解古字通故易序卦  
云解者緩也廣雅云懈緩也是懈怠與宣緩義同

遇偶也

偶爾相值遇

偶者偶爾言不常也遇者逢也言不期而相值逢遇已見釋  
詁又訓偶者偶遇聲同也大宗伯注遇偶也欲其若不期而  
偶至文選注兩引爾雅竝作偶遇也一切經音義二亦引作  
偶遇也釋名云耦遇也二人相對遇也耦與偶同然則爾雅  
古本或作偶遇但偶遇遇偶二義俱通遇  
偶俱从禺聲古音在侯部是二字聲義同



曩曩也 國語曰曩而言戲也

曩者說文云不久也玉篇云少時也莊子秋水篇云證曩今故釋文引崔注曩往也曩者說文云曩也釋詁云久也爾雅以曩為久說文以曩為不久其義兩通故檀弓云曩者爾心或開子是曩為未久之詞文選北征賦云豈曩秦之所圖是曩為久詞其義則皆為曩也郭引晉語文章昭注曩向也北征賦注亦云曩猶向時也向與曩音義同又作嚮或作鄉並古字通也

倥偬也 詩曰不遑啟處

暇者說文云閑也與閒同左氏襄八年正義引舍人曰閒暇無事也通作假書須夏之子孫詩皇矣箋須夏作須假釋文假戶嫁反本又作暇正義引書多方鄭注夏之言暇詩昭假遲遲箋亦以假為暇矣倥偬者經典通作遑皆皇之或體也皇與假俱訓大又俱為暇其義實相足成後人見經典皇暇之皇皆作遑遂以遑為正體遑變作倥又省作倥反以皇為通借殊不知書云則皇自敬德表記云皇恤我後皇皆訓暇又左氏襄廿五年傳皇恤我後昭七年傳社稷之不皇襄廿六年及哀五年傳不敢怠皇是皆遑作皇之證襄廿九年正義引李巡曰遑閒暇也詩殷其雷釋文遑本或作倥爾雅釋文

亦云遑或作惶通作皇是陸德明亦不知  
皇爲本字矣暇古讀如戶惶暇一聲之轉

宵夜也

說文云夜舍也天下休舍也又云宵夜也司寤氏注宵定  
昏也書堯典正義及爾雅釋文並引舍人口宵陽氣消也

愼忼也

謂愛 愒貪也 謂貪

忼者說文云貪也引春秋傳忼歲而愒日左氏昭元年傳文  
晉語作忼日而愒歲韋昭注以忼愉愒遲爲訓其說未明杜  
預注謂翫愒皆貪是也翫與忼愒與愒並古字通易繫辭云  
所樂而玩者釋文引馬云玩貪也鄭作翫是翫玩並忼之假  
音矣愒者玉篇云於六切貪也忼五亂切貪也愛也是忼愒  
聲相轉。貪者說文云欲物也釋名云貪探也探取入他分  
也愒者說文以爲憩字其引左傳作愒云欲飲也欲飲欲物  
其義俱爲貪也玉篇愒居例切貪羨也按居例乃憩字之音  
愒本愒之通借當苦葛切爾  
雅釋文愒苦蓋反此音是矣

楷柱也

相楷

柱者說文云楹也玉篇訓楹者音雉縷切訓塞者音株主切  
塞謂榑塞卽楷柱之義也楷者說文云柱砥古用木今以石

皇清經解 卷三十三  
王篇云楮柱也釋文楮柱作楮柱  
俱从手旁非也楮柱之聲又相轉

裁節也

節者止也有儉省之意故賈子道術篇云費弗過適謂之節  
釋名云節有限節也裁者制也有減損之義易云后以財成  
天地之道鄭注財節也釋文財苟本作裁

竝併也

詩曰竝坐鼓瑟

併者并也竝者比也說文併竝互訓二字音同經典  
通用故儀禮注今文竝皆爲併又云古文竝皆作併

卒既也

既已

既者如春秋日食既之既公穀桓三年傳竝云既盡也詩  
汝墳傳既已也鄉飲酒禮注既卒也卒者釋詁云盡也

槽慮也

謂謀慮也

慮者釋詁云謀也思也槽者說文云慮也玉篇云謀也又慮  
也釋文云槽音囚字書作槽按玉篇槽字雖有囚音又殂冬  
切卽槽字之音然玉篇既本說文別出槽字云樂  
也一曰慮也是槽槽字異音義同說文則二字異

將資也

謂資裝

資者齋之假音也說文齋持遺也外府注齋行道之財用也掌皮注齋所給子人以物曰齋小祝注齋猶送也莊子列禦寇篇云萬物爲齋送是齋訓送與將義同將者上文云送也送卽持遺之義將齋又一聲之轉齋通作資外府注鄭眾云齋或爲資曲婦功及典亮注竝云故書齋爲資莊子德充符篇云不以嬰資釋文引李云資送也是借資爲齋其證甚明爾雅之資亦齋之通借郭訓資裝與將義遠矣

罽絨也

今人呼絨絨衣爲罽

絨者說文云縫也廣雅云納也急就篇注納刺謂之絨按今時亦呼縫絨爲納也罽者說文云箴縷所絨衣又云襦絨衣也玉篇罽或作襦是襦罽同借作絨書云絨縷鄭注絨讀爲罽罽絨也司服注引作希縷云希讀爲絨或作罽

遞迭也

更迭

迭者說文云更迭也西都賦云更盛迭貴通作佚方言云更佚代也穀梁文十一年傳兄弟三人佚宥中國范甯注佚猶更也遞者說文云更易也書益稷正義引李巡云遞者更迭呂覽蕩兵篇云遞興遞廢西京賦云遞宿迭居遞迭雙聲

皇青經解

卷五十五

郝戶部爾雅義疏

五

矧況也

譬况

況者兄之假音也詩倉兄填兮傳兄茲也職兄斯引傳兄茲也常棣出車傳箋又云況茲也是況兄茲茲俱音義同古字通用況訓爲滋滋訓爲益旣已如是況又如是卽爲滋益之詞又爲譬況者凡譬況之詞皆於此詞之外有所增益故也古讀兄爲荒與況同音白虎通云兄者況也況父法也管子大匡篇云兄與我齊國之政也修華嶽碑云兄乃盛德皆以兄爲況也故詩常棣釋文況或作兄柔釋文兄音況本亦作況兄旣通況又通皇故書云無皇曰漢石經作無兄曰尙書大傳云皇于聽獄乎鄭注皇猶況也是皆音同假借字耳矧者弋之或體也說文云弋况詞也从矢引省聲今經典通作矧不省玉篇又作矧亦或體字也經典凡矧俱訓况廣雅云矧長也方言云矧長也長與益義近矧之訓爲長亦猶兄之訓爲長矣况之訓爲益亦猶兄之訓爲滋矣是皆古義之展轉相通也

廩廩也

或說云卽倉廩所未詳

廩者玉篇云倉也廩也廩者說文作尙云穀所振入宗廟案盛蒼黃面而取之故謂之尙或从广稟是廩爲或體經典俱作廩詩豐年傳廩所以藏齋盛之穗也地官序官廩人注盛米曰廩按毛云藏穗鄭云藏米二說不同要爲倉之總名故

豐年釋文廩倉也是矣爾雅釋文引舍人云廩少鮮也孫炎云廩藏穀鮮絮也是孫炎及舍人俱以廩爲鮮或取鮮少或取鮮潔可知古本廩止作鮮後人淺俗妄以意作廩耳郭云未詳蓋以經典無廩字故也若作鮮鮮訓少也廩亦少意故公羊文十三年傳羣公廩何休注廩者連新於隙上財合牛相連爾鄭氏易注引作羣公濂濂猶廉也廉亦少意是廩爲鮮少之名釋名云廩矜也矜惜亦少之義與舍人合然則廩訓爲鮮其證明矣

追逃也

亦見禮記

說文云逃亾也追逃也書大甲正義引樊光云行相避逃謂之追郭云見禮記者緇衣引大甲文鄭注用爾雅

訊言也

相問

言者對語之稱則直言曰言對訊之稱則相問爲言廣雅云言問也曲禮君言不宿於家鄭注言謂有故所問也聘禮若有言鄭注有言有所告請若有所問也豕人云言鸞車象人鄭眾注言言問其不如濃度者是皆言訓問之證釋名云言宣也宣彼此之意也然則自言與問人通謂之言矣訊者說文云問也經典訊多訓問問亦言也故詩出車箋及小司寇司刺注竝云訊言也出車傳又云訊辭也辭與言同然則訊言卽訊問詩執訊獲醜卽執言而問也小司寇用情訊之卽

以言推問也司刺訊羣臣亦汎言訪問也玉篇廣韻竝云諄言也諄訊聲轉古字通用已詳釋詁諄告也下

閒覩也

左傳謂之謀今之細作也

倪者說文云警論也一日閒見本爾雅爲訓也詩倪天之妹韓詩倪作警云警也又說文所本矣閒者釋詁云代也閒謂空隙居其中則爲閒代出其外則爲閒見閒見猶言不常見也凡警況之詞必取非常所見故云罕警而論方言謂之代語說坊說文謂之閒見其義一也郭訓閒爲謀非矣閒倪雙聲疊韻颯聾馮爾雅釋詩當倪在閒上今本誤倒耳

沆沆也

說文云沆莽沆大水也風俗通云沆者莽也言其平望莽莽無涯際也一切經音義七引通俗文云水廣大謂之溔沆也沆者說文云轉流也讀若混楚辭哀歲篇云流水兮沆沆王逸注沆沆沸流按沸流卽轉流沆讀若混亦與沆爲雙聲

干扞也

相扞衛

扞者說文云枝也玉篇云衛也與捍同華嚴經音義下引聲類扞作捍通作戢書汝多修扞我于艱說文引作戢我于艱云戢止也止有禁禦之義與衛義同也于者戢之假借也說文云戢盾也經典借作干詩兔置采芑傳竝云干扞也公侯

干城左氏成十二年傳引又曰此公侯之所以扞城其民也  
書正義及詩釋文並引孫炎曰干楯所以自蔽扞也說文云  
盾所以扞身蔽  
目是孫義所本

趾足也

腳 跣別也

斷

釋名云足續也言續脛也廣韻云滿也止也故老子云上云常  
德乃足河上公注足足也趾者說文作止云下基也象艸木  
出有趾故以止爲足士昏禮云北止鄭注止足也古文止作  
趾海內經云渠股豚止漢書禮樂志云獲白麟爰五止皆以  
止爲趾也老子下云知足不辱知止不殆經典止趾通用故  
釋名云趾止也言行一進一止也趾足聲招轉○別者跣之  
假借也說文云跣斷足也或从兀作跣則絕也經典俱借別  
爲跣故書呂刑正義引李巡云斷足曰跣也莊子養生主篇  
釋文引崔云跣斷足也跣者說文云跣也讀若匪通作  
荆釋文跣本亦作荆經典俱以荆爲跣蓋或體字也

襄駕也

書曰懷山襄陵

駕者加也玉篇云上也廣雅云襄也小爾雅云凌也凌與陵  
襄與乘同左氏昭元年傳猶詐晉而駕焉杜預注駕猶陵也  
然則駕取乘陵之義乘陵亦加上之言不獨馬在軌中稱駕  
矣襄者驪之假借也說文云驪馬之低仰也玉篇云驪駕也



是襄駕之襄當作驤省作襄故詩兩  
服上襄終日七襄鄭箋並云襄駕也

忝辱也

燠煖也

今江東  
通言燠

煖者說文與燠並云溫也玉篇云燠煖同又暝煖同蓋卽燠  
煖之或體又云燠乃管切煖火園切分爲二音非也煖从爰  
聲煠从奐聲二字音同與燠相轉今讀煖乃管切燠於六切  
其音遂不復通矣燠者說文云熱在中也詩無衣傳燠煖也  
小明傳奧煖也奧與燠同書云燠若史記宋  
世家作奧若洪範正義引舍人曰燠溫煖也

塊塼也

土塊也外傳  
曰枕由以塼

塼者說文云由也由堞也由或从鬼作塊又云堞由也堞或  
从卜作卩吳語云涓人疇枕王以堞郭引堞作塼塼堞堞義同  
王作由字形之誤也既夕  
記疏引孫炎云塼土塊也

將齊也

謂分齊也詩  
曰或肆或將

齊者亨人注齊多少之量酒正注齊者每有祭祀以度量節  
作之文選長笛賦注齊分限也將者詩或肆或將傳將齊也

正義及爾雅釋文並引王肅云分齊其兩所當用也又既齊既稷釋文齊鄭音資一音才細反謂分齊也皆與郭義合

餽餽也

糜也

餽者說文云糜也糜訓糝與鬻別而亦以爲鬻之通名說文鬻健互訓鬻卽粥字今讀若周此古音也說文饋云周謂之饋宋謂之餐林樵燭从餐與健同健是鬻之稠者內則釋文饋厚粥也然則爾雅之饋當作健矣餽者鬻之假音也說文鬻健也鬻健卽餽餽說文餽訓寄食與饋義別玉篇鬻或作糊糊卽餽之或體是餽鬻通

啟跪也

小

跪者說文云拜也釋名云跪危也兩膝隱地體危隄也玉篇及文選月賦注並引聲類云跪踞也啟者詩四牡采薇傳箋並云啟跪也左氏襄八年及廿九年正義並引李巡曰啟小跪也是郭所本

瞞密也

謂繳密

密者繳也說文云繳密也釋名云密蜜也如蜜所塗無不滿也瞞者說文作瞞云目旁薄繳也也按薄繳謂文理繳密也猶縣縣說文云縣聯微也釋訓孫炎注縣縣言詳密也文選洛神賦注縣縣密意也是縣密卽瞞密俱雙聲字

開闔也

書曰闔四門

袍襦也

左傳曰重襦衣裳

繭者說文云袍衣也以絮曰繭以縵曰袍引春秋傳盛夏重繭左氏襄廿一年傳文也今左傳及經典俱省作繭玉藻云繭為繭縵為袍鄭注繭袍衣有著之異名也爾雅釋文繭本亦作繭絲衣也袍者釋名云袍丈夫著下至跗者也袍苞也苞內衣也婦人以絳作衣裳上下連四起施緣亦曰袍義亦然也方言云襖明謂之袍按古人以袍為裏衣故喪大記云袍必有表不禪鄭注袍褻衣詩與子同袍與子同澤對箋亦云澤褻衣然則袍襦俱私褻之服左傳言重繭衣裳亦非

服禪

障眡也

謂壅障

眡者說文云井田開陌也文選東京賦注引宋衷太子經注眡界也障者說文云隔也釋文又界也然則障眡皆有界限之義界限所以隔別也文選北征賦注引蒼頡篇云障小城也按城垣為限與田陌為界其義亦近障眡又一聲之轉

覩姪也

面姪然

婚者說文云面醜也醜蓋覲字形譌詩何人斯正義引作面  
覲是也覲者詩傳用爾雅說文云面見也詩正義引作面見  
人無也字若依舍人注說文面見當爲面見亦字形之誤也  
越語云余雖覲然而人面哉韋昭注覲面目之貌是覲爲面  
兒故釋文引舍人云覲面貌也覲訓  
妬者釋文引孫李云覲人面妬然也

糜糜也

洩

糜者說文訓慘慘以米和羹一曰粒也蓋以米和羹爲慘以  
米煮鬻爲糜糜鬻通名故釋名云糜煮米使糜爛也粥洩於  
糜粥粥然也鬻者經典省作粥而訓糜玉篇粥糜也既夕禮  
云飲粥鄭注粥糜也粥皆鬻字之省左氏僖廿八年昭七年  
正義及釋文竝引孫炎云鬻洩糜也是郭所本上文餽餽郭  
云糜也此云洩糜然則四者同類而異名稱者曰糜洩者曰  
鬻今俗語猶然也又左傳正義俱連引餽  
餽鬻糜二文今隔別者或傳書者誤分之

舒緩也

謂遲緩

上云宣緩也此云舒緩者舒宜聲轉釋詁舒兼敘緒二義詩  
傳舒兼徐遲二訓實則其義俱爲緩也通作紆說文及詩采  
菽傳竝云  
紆緩也

翳翳也

今之羽葆幢

翳翳也

舞者所以自蔽翳

蘇者翳之別體也說文云翳翳也所以舞也引詩曰左執翳君子陽陽傳翳翳也翳也釋文蘇俗作轟爾雅釋文蘇字又作翳是蘇古本作翳今作轟俗作轟耳詩正義引孫炎云轟舞者所持羽也翳者無正體經典作翳爾雅宋本作翳玉篇云翳也翳翳也翳翳也翳翳也同郭云羽葆幢者雜記云匠人執羽葆御柅鄉師注引作執翳以御柅鄉衆注翳羽葆幢也爾雅曰轟翳也詩宛丘傳及方言竝云翳也釋名云翳陶也其貌陶陶下垂也詩正義引李巡云翳舞者所持轟也是翳翳也音同字通又通作翳廣雅云幢謂之翳○蘇又訓翳者翳蔽也說文翳華蓋也

隍壑也

城池空者爲壑

壑隍釋詁竝云虛也隍又訓壑者隍壑雙聲詩韓奕正義引舍人云隍城池也壑溝也李巡云隍城池壑也

芼擻也

謂拔取菜

擻者說文作擻云拔取也方言云擻取也南楚曰擻是擻擻俱擻之或體釋文引郭音義云本又作毛擻俱假借字耳芼者亦假借字說文覘擇也讀若苗玉篇引詩左右覘之覘擇也本亦作芼是芼覘通詩關雎傳芼擇也正義引孫炎云皆

擇菜也又引某氏云舉猶援也援引與擇義近儀禮及內則注芼菜也說文芼艸覆蔓皆非爾雅之義

典經也威則也威儀可法則

典則釋詁竝云常也經本經緯之字又借為常也道也法也皆與典義合故釋名云典鎮也制教法所以鎮定天下經徑也常典也如徑路無所不通可常用也大宰注典常也經也灋也皆其義也○則者釋詁云法也威者詩有客傳威則也

苛妒也煩苛者多嫉妒

方言訥苛怒也小怒曰訥陳謂之苛是苛訥與苛妒同又內則注苛疥也亦聲之轉

芾小也芾者小貌

芾即市字市音芳本蔽芾之名經典作芾借為蔽芾音芳之字而訓小會意釋詁云蔽微也微亦小故說文云蔽蔽小艸也是蔽芾俱有小義故詩甘棠傳蔽芾小貌易豐釋文引子夏傳芾小也通作芾詩卷阿傳芾小也蔽芾甘棠韓詩外傳作蔽芾甘棠芾又訓蔽蔽芾皆以微遮為義亦猶蔽芾皆以微小為義也蔽芾二字疊韻

迷惑也

狃復也

狃快復為

復者又也重複之義狃者徠之假借也說文云徠復也玉篇云習也快也或與狃同經典俱作狃詩大叔于田傳狃習也箋云復也小爾雅云快也按魯語云夕而習復是習復同義釋文引李巡云狃能屈申曰復賸詩正義引孫炎云狃快前事復為也

郭與孫同

逼迫也

般還也

左傳曰般馬之聲

還者與旋同回也轉也經典旋與還多通用般者說文云辟也象舟之旋按周旋本此周舟古字通齊華周字還亦作華舟是其證也易夷于左股釋文引馬王肅作般云旋也日隨天左旋也推之易云盤桓即般還也還亦音環故爾雅釋文還音旋或音環般郭音班一音蒲安反俱兼二音是也

班賦也

謂布與

賦者詩烝民傳云賦布布即班聲之轉班者說文云分瑞玉廣韻引同玉篇引云分瑞也無玉字蓋本書班瑞而為說周

語注班分也周語云其適來班貢韋昭注班賦也一切經音義十四引李巡云班徧賦與也書舜典正義引孫炎云謂布與也按班有徧義故李巡以班徧爲言徧與辨同士虞禮記注古文班或爲辨公羊僖卅一年傳注班者布徧還之辭與李巡合通作頌小爾雅云頌賦布也祭義注頌之言分也文選馬汧督誅注頌與班古字通又與盼同王制注名山大澤不以盼鄭注盼讀爲班

濟渡也濟成也濟益也

所以廣異訓各隨事爲義

渡者說文云濟也廣雅云過也濟者詩匏有苦葉傳及檀弓注並云濟渡也省作度方言云過度謂之涉濟郭注猶今云濟度楚辭惜賢篇云年忽忽而日度皆借度爲渡渡以過去爲義也○濟又訓成者成就也就濟聲轉樂記云事蚤濟也祭統云夫義者所以濟志也鄭注並云濟成也○濟又爲益者益增也增濟亦聲相轉左氏桓十一年傳盍請濟師於王又十八年傳世濟其美並以濟爲益也

緡綸也

詩曰維絲伊緡緡緡也江東謂之綸

綸者釋詁貉縮綸注云綸者繩也詩言綸之繩傳綸釣繳也緡者說文云釣魚繫也詩何彼穠矣傳緡綸也正義引孫炎

皇清經解

卷之三十三

郝戶部爾雅義疏

三



云皆繩名也史記平準書言緡錢  
酷吏傳言告緡緡皆錢貫之名

辟歷也

未詳

辟者釋詁云法也歷者厯之假借也說文云厯治也治法義  
近辟歷聲近凡聲近之字古人多以爲訓如霹靂說文作劈  
歷釋名作辟歷釋采帛云并者歷辟而密也然則歷辟辟歷  
俱以聲爲義也說文厯从秝聲秝讀若歷又劈與辟同而訓  
治厯亦訓治是皆義同  
之字以聲爲義者也

漿盞也

澆澆出  
涎沫

盞者與澆同滲也素問瘧論云無刺澆澆之汗王水注澆澆  
言汗大出也漿者說文云順流也釋文引李巡云吐沫漿也  
鄭語注漿龍所吐沫按說文漿以  
漿聲漿力之切漿盞一聲之轉

寬綽也

謂寬  
裕也

綽者說文云緩也晉姜鼎銘有綽縮眉壽之言卽綽緩也寬  
者本爲屋寬大寬亦緩也故詩寬兮綽兮綽綽有裕毛傳綽  
綽寬也坊記注綽綽寬裕貌也  
爾雅邢疏引孫炎云性之裕者

袞黻也

袞衣有黻文

袞者說文云天子享先王卷龍繡於下幅一龍蟠阿上鄉釋名云袞卷也畫卷龍於衣也按卷袞古音近經典借卷爲袞袞訓黻者黻爲弗文取拂躬爲義袞龍有蟠屈之形示不得伸以受弼正也故曰袞職有闕惟仲山甫補之

華皇也

釋草曰華華榮

皇者墓之假音釋草釋文墓本亦作皇是也詩正義及爾雅疏引樊光云詩云皇皇者華孫炎云皇皇猶煌煌也按郭注釋草引此作華皇也此釋文亦先華後皇石經及宋本竝同今本誤倒作皇華邵氏正義及臧氏漢注辨之是矣然邵氏不知說文驛部所引爾雅釋華乃釋草之文臧氏未載樊光孫炎二注皆失檢也

昆後也

謂先後方俗語

昆者窮之假音也說文云周人謂兄曰舅玉篇省作舅云今作昆舅同經典通作昆左氏哀十八年傳昆命于元龜晉語云延及寡君之紹續昆裔杜預韋昭注竝云昆後也

彌終也

終竟也

是青經解

卷三十三

郝戶部爾雅義疏

三

皇清經解卷一千二百五十九終  
彌者說文作彌云久長也久長與終義近故易繫  
辭釋文引荀注及詩生民卷阿傳竝云彌終也

皇清經解卷一千二百五十九終

嘉應生員楊懋建校

皇清經解卷一千二百六十

學海堂

爾雅義疏

棲霞郝戶部

懿行著

釋訓第三

訓者釋詁云道也道謂言說之詁與言皆道也不同者詩關雎詁訓傳正義云訓者道也道物之貌

以告人也故爾雅序篇云釋詁釋言通古今之字古與今異言也釋訓言形貌也然則釋訓云者多形容寫貌之詞故重文疊字累載於篇子子孫孫以下則又畧釋詩義諸於古音抑密秩清以下復取斷文零句詮釋終篇釋文引張揖雜字云訓者謂字有意義也蓋訓之一字兼意義二端明明斤斤之類爲釋義子子孫孫之類爲釋意意義合而爲訓訓之爲言順也順其意義而道之故以釋訓名篇

明明斤斤察也

皆聰明鑒察

察者釋詁云審也釋言云清也清審皆明晰之義明明者詩大常常武傳竝云察也常武正義引舍人曰明明言其明甚孫炎曰明明性理之察也斤者漢書律厯志云斤者明也詩執競傳斤斤明察也爾雅釋文引舍人云斤斤物精詳之察孫炎云斤斤重慎之察也

條條秩秩智也 皆智思深長

智者釋言云哲智也釋名云智知也無所不知也條者釋文云舍人本作攸攸沈亦音條按條从攸聲古音相近條兼暢

達分理諸義皆與智近秩者詩小戎傳秩秩有知也巧言傳秩秩進知也賓之初筵箋秩秩知也知俱音智義本爾雅下

云秩秩清也義相近

穆穆肅肅敬也 皆容儀謹敬

敬也已見釋詁穆者睦之假音也說文云睦敬和也史記司馬相如傳云眈眈睦睦集解引漢書音義曰睦敬本於爾雅也經典俱借穆為睦肅者說文云

持事振敬也樂記云肅肅敬也

諸諸便便辯也 皆言辭辯給

辯者說文云治也辯从言故有口材者稱辯給辯與平古音近故書平章百姓詩采芣正義引書傳作辯章百姓馮相氏

注云辯秩東作辯秩南譌今書辯皆作平是平辯通諸者說文云辯也便者辯之假音也說文云諛便巧言也引周書曰

截截善諛言論語曰友諛佞通作平詩采芣傳平平辯治也正義引服虔云平平辯治不絕之貌又通作便平平釋文引

韓詩作便便論語便便言鄭注言辨貌友諷佞作友便  
佞鄭注便辨也謂佞而辯也是便便單言亦爲辨矣

肅肅翼翼恭也

皆恭敬

肅肅上文云敬也翼  
恭並訓敬已見釋詁

靡靡優優和也

皆和樂

和者說文作蘇云調也通作和靡者說文以爲辟靡字王制  
注云辟明靡和也省作靡又省作邕或作雍又別作囀文選  
笙賦注引爾雅作雍雍和也四子講德論注又作邕邕和也  
釋詁云囀囀音聲和也優者憂之假音也說文云憂和之行  
也引詩布政憂憂通作優今  
詩作敷政優優毛傳用爾雅

兢兢繩繩戒也

皆戒慎

說文云奔警也从井持戈以戒不虞兢兢者說文作競云敬也  
敬亦警故詩小旻傳兢兢戒也雲漢傳兢兢恐也恐亦戒也  
借作矜雲漢及左氏宣十六年釋文並云兢本作矜文選韋  
孟諷諫詩云矜矜元王李善注矜矜戒也繩者釋文云本或  
作繩宋本正作繩然繩乃或體字當依經典作繩詩螽斯傳  
繩繩戒慎也下武傳繩繩也漢書禮樂志云繩繩意變淮南

皇清糸角 卷三十三  
繆稱篇云末世繩繩乎  
唯恐失仁義俱本爾雅

戰戰蹌蹌動也

皆恐動  
趨步

動者釋詁云作也戰者釋詁云懼也戰蓋顛之假音說文云顛頭不正也玉篇云顛動也廣韻云四支寒動是戰當作顛經典假借作戰耳蹌者說文云動也與楚同云蹌行兒廣雅云蹌蹌走也詩猗嗟傳蹌巧趨貌趨走皆動是蹌與蹌同曲禮云士蹌蹌亦謂趨走行動之貌也釋文云蹌本又作鶴或作鏘並音同假借字

晏晏溫溫柔也

皆和

柔者釋詁云安也柔與剛反凡柔順柔和皆安靜之義故詩烝民箋柔濡毳翽也晏者宴之假借也說文云宴安也與柔同訓通作晏晏猶安安故釋名云安晏也晏晏然和喜無動懼也詩氓傳晏晏和柔也溫者說文難字解云安難溫也難溫猶溫煖安即柔字之訓故詩小宛傳溫溫和柔貌抑傳溫溫寬柔也按溫潤濡柔並聲相轉其義皆相近

業業翹翹危也

皆懸危

說文云危在高而懼也釋名云危阨也阨阨不固之言也業者詩故雲漢召旻傳箋竝云業業危也長發傳業危也常武

傳業業然動也震動亦危懼之意翹者詩鴟鴞傳翹翹危也

惴惴僬僬懼也

皆危懼

惴者說文云憂懼也引詩惴惴其慄僬者僬之或體也釋文僬本又作噍說文噍懼也引詩唯予音之噍噍

番番矯矯勇也

皆壯勇之貌

勇者說文云氣也釋名云勇踊也遇敵踊躍欲擊之也諡法云勝敵壯志曰勇番番者詩崧高傳番番勇武貌也矯者中庸注強貌詩泮水箋矯矯武貌通作躄詩躄躄王之造傳躄躄武貌是躄矯通爾雅釋文引舍人云矯矯得勝之勇也

桓桓烈烈威也

皆嚴猛之貌

威者諡法云猛以濫果曰威詩常棣及巧言傳竝云威畏也桓者桓之假借也說文引周書曰尚桓桓玉篇云桓武兒也威也今作桓諡法云辟土服遠曰桓詩桓箋云桓桓有威武之武王泮水傳云桓桓威武貌烈者猛之威也左氏昭廿年傳云夫火烈民望而畏之畏即威故長發傳云烈烈威也

洸洸赳赳武也

皆果毅之貌



武者諡法云剛疆理直曰武克定禍亂曰武是武兼二義經典多主後義故釋名云武舞也征伐動行如物鼓舞也洗者聲借之字古無正體釋文云洗舍人本作儼然儼亦或體鹽鐵論繇役篇引詩作武夫潢潢玉篳作趙云胡光切引西京賦曰猛虛趙趙謂作力兒又趙趙武兒是趙趙與糾糾字俱从走玉篇似近之經典俱借作洗詩谷風傳洗洗武也江漢傳洗洗武貌按洗之言橫也橫有武義故樂記云橫以立武橫古音與光同其字亦通黃从莢聲莢古光字也故从黃之字或變从光說文兒鱣俗作兒鮓釋言桃充亦作橫充皆其證矣趙者說文云輕勁有才力也詩兔置傳趙趙武貌後漢書桓榮傳注引作糾

糾武夫假借字也

藹藹濟濟止也

皆賢士盛多之容止

止者詩云人而無止鄭箋以爲容止藹者釋本云藹藹郭注樹實繁茂菴藹是藹本眾多之義故詩卷阿傳云藹藹猶濟濟也濟者詩文王傳云濟濟多威儀也正義引孫炎曰濟濟多士之容止也

悠悠洋洋思也

皆憂思

悠者釋詁云思也重文亦然故詩巧言箋悠悠思也洋洋者邢疏引詩中心養養養養備洋洋矣

蹶蹶踏踏敏也

皆便捷

說文云敏疾也釋名云敏閔也進敘無否滯之言也故汝穎言敏如閔也按言敏如閔今音則然古讀敏如每也蹶者釋詁云動也動與敏義近故詩蟋蟀傳云蹶蹶動而敏於事兼釋詁釋訓爲說也曲禮云足毋蹶鄭注蹶行遠貌遠亦疾行之義也踏者說文云長脰行也按長脰蓋以況疾行之狀詩楚茨傳踏踏言饗竈有容也有容亦謂敏於趨事之貌

夢夢增增眾也

皆眾夥之貌

夢者詩蝨斯傳夢夢眾多也爾雅釋文引顧舍人本作雄雄其義亦同增者詩閔宮傳增增眾也聲轉爲溱無羊傳云溱溱眾也按詩溱與洧說文作潛與洧卽增溱聲轉字通之證

烝烝遂遂作也

皆物盛興作之貌

作者釋詁云動作也作猶起也興也烝者釋詁云進也詩泮水箋云烝烝猶進進也進包作義遂者往也進也故亦爲作祭義注陶陶遂遂相隨行之貌行亦作矣

委委佗佗美也

皆佳麗美豔之貌

委者釋文云諸儒本竝作禕於宜反舍人云禕禕者心之美  
今按禕从衣非舍人蓋本釋詁禕美而爲說也釋文又云他  
本或作它字音徒河反顧舍人引詩釋云禕禕它如山如  
河謝羊兒反詩正義引李迥曰委委他他寬容之美也彌臧  
離孫炎曰委委行之美他他長之美釋文引韓詩云德之美  
貌按毛傳云委委者行可委曲縱迹也他他者德平易也是  
韓毛竝言德美其義同諸家則言貌美與韓毛異隸釋八載  
衛尉衡方碑云禕隋在公禕隋卽委他之聲借爾雅謝嶠他  
羊兒反則讀如移詩委蛇委蛇釋文引韓詩作透池毛傳委  
蛇行可從迹也與君子偕老傳行可委曲縱迹義同說文透  
池去之兒是韓詩之透池卽委蛇羔羊之委蛇又卽委他  
他亦它之聲借衡方碑之禕隋亦聲借也蛇卽它之或體它  
有曲長之義故毛傳以委爲曲孫炎以  
他爲長古讀他蛇俱同聲故同訓

怗怗惕愛也

詩云心焉惕惕韓詩以爲  
悅人故言愛也怗怗未詳

怗者說文云愛也从氏聲釋文云郭徒啓反與愷悌音同是  
郭借音兼借義也又云顧舍人渠支反則與說文同又云李  
余之反怗怗和適之愛也則與怡怡音義同漢書敘傳云姪  
姪公主孟康注姪音題姪姪惕惕愛也按說文姪或从氏作  
姪與爾雅怗字之音近故孟康借引音題則與郭同顏師古  
不知而非之謬矣惕者說文訓敬經典無訓愛者詩防有鵠

巢傳以爲揚揚猶切切亦不訓  
愛郭引韓詩以爲悅人未詳

偁偁格格舉也

皆舉持物

舉者說文从手與聲云對舉也偁者  
釋言云舉也說文云揚也揚亦舉也

綦綦擘擘戴也

皆頭戴物

戴者說文云分物得增益曰戴綦者玉篇云眾也詩桃夭傳  
綦綦至盛貌通作溱溱故無羊傳箋以溱溱爲眾多擘者詩  
碩人傳擘  
擘盛飾

慝慝媿媿安也

皆好人安詳之容

安者釋詁云止也定也慝者說文云安也引詩慝慝夜飲省  
作厭詩湛露傳厭厭安也小戎傳厭厭安靜也聲借爲愔愔  
露釋文引韓詩作愔愔和悅之貌列女傳二引詩亦作愔愔  
良人一切經音義十七引聲類云愔和靜貌也三蒼云愔愔  
性和也媿者說文云諦也楚辭怨世篇引詩作好人媿媿通  
作媿葛屨傳媿媿安諦也正義引孫炎曰媿媿行步之安也  
又通作媿說文云媿媿行兒故孫炎以爲行步之安義本  
說文也又借作折檀弓注折折安舒貌亦引詩好人媿媿

祁祁遲遲徐也

徐皆安

徐者說文云安行也徐之言舒與安義近故莊子應帝王篇釋文引司馬彪云徐徐安隱貌祁者詩采芣傳祁祁舒遲也大田傳祁祁徐也韓奕傳祁祁徐靚也遲者說文云徐行也詩谷風傳遲遲舒行貌七月傳遲遲舒緩也舒即徐矣

丕丕簡簡大也

皆多大

丕簡釋詁竝訓大重文亦然書丕丕基詩執競傳簡簡大也正義引李巡曰簡簡降福之大也

存存萌萌在也

萌萌未見所出

在者釋詁云存也存又為在互相通也易繫辭云成性存存萌者簡字之譌也說文云簡存也从心簡省聲讀若簡玉篇心部既從說文作簡而云或作薦又音萌草部正作薦莫耕切引爾雅云薦薦在也又云薦同薦本或作萌廣韻耕登二部引爾雅亦俱作薦而云本亦作萌又作薦與玉篇同釋文因之亦云萌字或作薦郭武耕反施亡朋反此皆萌字之音而非簡字之讀且簡音讀不同不知何時讀簡為萌因而字變為萌蓋自郭氏已然其誤久矣

懋懋模模勉也

皆自強勉

勉已見釋詁懋者釋文云古茂字非也釋詁茂勉也茂乃懋之假借非古今字說文懋勉也是矣懋者說文云勉也釋文懋亦作慕亦假借也懋懋一聲之轉方  
言云侔莫強也亦與懋懋之聲相轉

庸庸惛惛勞也

皆劬勞也

庸勞也已見釋詁庸訓功亦勞荀子大略篇云庸庸勞勞是其義也惛者說文云動也動勞義近詩勞心惛兮那疏引勞人草草毛傳草草勞心也是草草卽惛惛  
惛有草音故爾雅釋文云惛郭駉草蕭三音

赫赫躍躍迅也

皆盛疾之貌

迅者釋詁云疾也赫者釋文云郭音釋舍人本作奭失石反說文奭盛也是奭赫音義同詩常武傳赫赫然盛也正義引孫炎曰赫赫顯著之迅郭云盛疾之貌與孫義同赫本訓盛以其盛極又兼迅疾爲義也躍者詩躍躍兔之躍釋文音他歷反說文云躍迅也从翟聲爾雅釋文躍余斫反非矣又云躍樊本作濯引詩釋云濯濯厥靈是樊光以濯與赫義近濯濯光明  
盛大也

綽綽爰爰緩也

皆寬緩也悠悠偃偃丕丕簡簡  
存存懋懋庸庸綽綽盡重語

舒緩寬綽並見釋言說文綽緩互訓義本爾雅詩淇奧傳亦云綽緩也爰者詩兔爰傳爰緩意一切經音義廿三引舊詩云爰發蹤之貌也韓詩爰謂發蹤蹤與縱同蓋行步之緩也

坎坎塤塤喜也

皆鼓舞歡喜

坎者鞞之假音也說文云鞞繇也舞也引詩鞞鞞舞我玉篇云鞞和悅之響也今作坎按詩之坎坎並主聲言伐木篇坎坎言鼓蹲蹲言舞分晰甚明說文二舞字俱誤伐木釋文引作舞曲也曲字亦衍其云鞞繇蓋本釋詁以繇為喜是說文鞞繇即爾雅坎喜玉篇本此故云鞞和悅之響和悅即喜響即鼓聲伐木箋為我擊鼓坎坎然亦其義矣塤者說文云舞也引詩塤塤舞我爾雅釋文引舍人云塤舞貌又引說文舞上有士字衍也塤今詩作蹲假借字也毛傳同舍人

瞿瞿休休儉也

皆良士節儉

儉者斂也賈子道術篇云廣較自斂謂之儉說文云儉約也約亦收斂之義瞿者驚顧貌休者詩蟋蟀傳云瞿瞿然顧禮義也休休樂道之心正義引李巡曰皆良士顧禮節之儉也

旭旭躑躑僑也

皆小人得志橋蹇之貌

僑者玉篇云逸也廣韻云恣也經典通作驕旭者漢書楊雄傳云嘻嘻旭旭集注旭旭自得之貌又借爲好詩驕人好好鄭箋好好喜譏言之人也魏有苦葉釋文旭說文讀若好字林呼老反爾雅釋文旭郭呼老反呼老卽好字之音矣躑者詩板傳云躑躑驕貌正義引孫炎曰謂驕慢之貌說文云舉足行高也

### 夢夢訕訕亂也

皆開亂

亂者釋名云渾也按渾謂渾渾渾無分別渾渾猶惛惛不瞭慧之言也夢者說文云不明也不明卽亂故詩抑傳夢夢亂也正義引孫炎曰夢夢昏昏之亂也正月釋文引韓詩云夢夢惡貌也訕者諄之或體也詩抑釋文諄字又作訕爾雅釋文訕或作諄說文云諄告曉之孰也與煩亂義近通作諄莊子胠篋篇云諄諄已亂天下矣別作訕又別作訕玉篇心部訕云悶也亂也言部訕云亂也別有諄字與說文同訓是玉篇分諄訕爲二說文但有諄字爾雅釋文引顧舍人云夢夢訕訕煩懣亂也楚辭惜誦篇云中悶替之訕訕並與諄諄同

### 爆爆逸逸悶也

皆煩悶

悶者說文云懣也懣煩也爆者玉篇爆煩悶也逸通作藐詩抑正義引舍人曰藐藐憂悶也



僂僂洄洄惛也

皆迷惛

僂者說文云不僚也與悵同云悵也詩民勞傳僂悵大亂也  
僂者僂之或體說文云僂惛也與僂同云不明也釋文僂字  
或作僂孫亡崩亡冰二反然則僂為或體僂亦聲借僂字經  
典不用故借僂與僂為之耳洄者亦假借也玉篇作洄云洄  
惛也然洄亦或體釋文引郭音義云洄本或作禰音韋說  
文引爾雅作禰禰積積是也洄即惛之聲借然則積積亦  
即憤憤之聲借也說文及其類篇並云憤亂也亂亦惛也楚  
辭逢尤篇云心煩憤兮意血聊憤通作潰潰詩召旻傳潰潰亂  
也據說文所引則知爾雅當有潰潰二字今脫去之段  
氏玉裁據潛夫論云洄洄潰潰蓋用爾雅文可證矣

版版盪盪僻也

皆邪僻

說文云僻从彳牽也按从彳牽引所以偏衰經典僻與辟通  
故賈子道術篇云藁常緣道謂之道反道為辟版者詩板傳  
板板反也反即僻故緇衣注板板辟也爾雅釋文引李巡云  
版版者失道之僻也盪者釋文作蕩引李云蕩蕩者弗思之  
僻也詩蕩正義引孫炎曰蕩蕩法度廢壞之僻

熯熯炎炎薰也

皆早熱薰炙人

薰者釋文作熏云本亦作燠或作薰蓋薰假借燠俗體作熏  
爲正說文云襲火煙上出也詩雲漢傳熏灼也燠者亦俗體  
也詩作蟲而讀若同釋文引韓詩作燠音徒冬反是燠爲本  
字雖借爲蟲仍讀爲燠爾雅釋文郭從韓音又直忠反讀如  
本音非矣毛傳蟲盡而熱蒸嚴經音義下引韓詩傳燠謂燒  
草傳火燠盛也是燠燠與火炎義近說文云炎火光上也雲  
漢傳炎炎熱氣也書無若火  
始燄燄亦與炎炎音義同

居居究究惡也

皆相憎惡

惡者說文作亞云醜也與亞同云相毀也一日畏證按畏證  
卽憎惡之義也居者說文云蹲也蹲居也居與踞同此居居  
猶倨倨不遜之意故詩羔裘傳居居懷惡不相親比之貌正  
義引李巡曰居居不狎習之惡釋文居又音據卽倨宇之音  
矣究者釋言云窮也究居聲轉爲義故羔裘傳究究猶居  
居也正義引孫炎曰究究窮極人之惡本釋言爲說也

仇仇敖敖傲也

皆傲慢賢者

傲者說文云倨也與慕同云嫚也引虞書曰若丹絃慕讀若  
傲今書正作傲古字通也仇者釋文引舍人云仇仇無倫理  
之貌詩正月傳仇仇猶警警也敖者與誓同釋文敖本又作  
誓又作蹠同五高反詩板傳蹠蹠猶誓誓也說文云誓不省

人言也然則爾雅敖當作警釋文引舍人云警警衆口毀人之貌李同則警警仇仇俱讒毀人之貌故毛傳云仇仇猶警

警矣

仳仳瑣瑣小也

皆才器細陋

仳者說文作仳云小貌引詩曰仳仳彼有屋今詩作仳正月傳云仳仳小也爾雅釋文引舍人云形容小貌瑣者詩節南山傳瑣瑣小貌正義引舍人曰瑣瑣計謀褊淺之貌按瑣兮尾兮瑣亦訓小是單文亦然

悄悄慘慘慍也

皆賢人愁恨

慍者說文云怨也又云慰安也一曰恚怒也詩車牽傳慰安也釋文作慰怨也引韓詩慰作慍慍恚也是說文慰字義兼韓毛慰慍聲相轉也悄悄者說文云憂也詩柏舟傳亦云悄悄憂貌憂慍義相成悄悄聲相轉也慘者釋詁云憂也詩抑正義引李巡曰慘慘憂怒之慍兼詁訓爲說也戴氏震云詩中慘慘皆燥燥按說文燥愁不安也从臬聲當音七倒切詩正月傳慘慘猶戚戚也戚古音近造與燥聲合是毛正讀慘爲燥北山釋文慘字亦作燥五經文字我心燥燥抑詩作我心慘慘是慘燥二字古通用燥情雙聲兼疊韻於義又通餘詳釋詁

瘡瘡痲痲病也

皆賢人失志  
懷憂病也

釋詁云瘡痲病也此作痲瘡俱聲借之字瘡者當作瘡說文云瘡憂也憂亦病故詩杖杜傳瘡瘡罷貌邢疏引板傳管管無所依也廣韻引作瘡瘡無所依是瘡管同管爲借聲瘡爲或體矣瘡者釋文云木今作瘡是瘡爲正體別作瘡漢書宣帝紀云瘡臥獄中蘇林注瘡病也因徒病律名爲瘡顏師古注瘡音瘡字或作瘡詩正月傳瘡病也

殷殷惓惓切切惓惓欽欽京京忡忡悒悒怲怲奕奕憂也

此皆作者

歌事以詠心憂

憂者說文作憂云愁也經典通作憂殷者釋文作慇說文慇痛也省作殷詩北門云憂心殷殷正月作憂心慇慇是慇爲正體殷乃假借又借爲隱詩如有隱憂毛傳隱痛也是隱憂卽慇憂爾雅釋文引樊光慇於謹反卽隱字之音詩釋文亦有此音從樊光讀也惓者說文引詩覺覺在灾文選寡婦賦注引韓詩作惓惓余在疾毛詩及周禮大祝注並作嫺嫺詩正月又作惓惓傳云惓惓憂意也惓蓋惓之或體說文芻驚辭也或从心作惓隸又變爲惓耳說文別有惓字云憂也龍籠手鑑一云惓音瓊是惓惓音義又同矣切切惓惓者詩甫田及素冠傳並云憂勞也欽欽京京者詩晨風傳思望之心

中欽欽然正月傳京京憂不去也仲仲憊憊者說文並云憂也詩草蟲傳仲仲猶衝衝也憊憊憂也恹恹奕奕者說文云恹恹憂也詩類弁傳恹恹憂盛滿也奕奕然無所薄也按奕京釋詁並訓大也毛云奕奕無所薄京京憂不去亦兼大義而言也博博蓋博博之別體也文選思平賦云志博博以應懸兮言憂思博聚不解也切字說文所無詩甫田傳但但猶切切也是切但聲轉義同說文但懔也是其義

昀昀田也

言鏗

此下十句皆釋雅頌言農之事田者言治田也昀者均之或體也釋文引字林云均均田也夏小正云農率均田釋詁云均易也孟子易其田疇是均以平治為義釋文昀沈居賓反音義兩得矣詩信南山作昀昀均人注引作營營並均之異文賈公彥疏以為均田得之爾雅釋文昀本或作昀郭音巡又羊倫反並非矣又引蒼頡篇云鏗耕也郭注本毛傳

畷畷耜也

言嚴

耜者說文耜云耜也耜云耒耜也畷者說文云治稼畷畷進也詩良耜傳畷畷猶測測也箋云測測以利善之耜正義引舍人曰畷畷耜入地之貌爾雅釋文畷字或作稷按稷从畷聲稷有疾義與利亦近

郝郝耕也

言土解

郝郝者詩作澤澤並假借字也載芟箋云耕之則澤澤然解散釋文澤澤音釋釋注同爾雅作郝音同此音是也釋澤古字通夏小正云農及雪澤管子乘馬篇作農耕及雪釋詩正義引爾雅作釋釋又引舍人曰釋釋猶藿藿解散之意按爾雅釋文郝又呼各反呼各與藿音近蓋舍人本作郝郝猶藿藿後人因毛詩作澤澤遂妄改舍人作釋釋耳

繹繹生也

言種調

詩載芟正義引舍人曰繹繹穀皆生之貌詩借作驛驛其義同

穞穞苗也

言茂好也

穞者說文云禾采之兒引詩曰禾穎穞穞生民傳云穞穞苗好美也與爾雅合爾雅釋文引說文作禾垂之貌蓋誤

緜緜穰也

言芸精

穰者今登萊人謂鉏田爲報報卽穰字之音說文穰擗鉏田也釋詩引春秋傳曰是穰是袞左昭元年傳文詩緜緜其鹿釋文引韓詩作民民云衆貌鹿芸也毛傳作鹿耘也耘芸鹿穰古俱通用緜民古音同也釋文鹿字書作穰是爾雅及詩

正文作廡今從宋本作穗詩正義引孫炎曰蘇縣言詳密也郭璞曰芸不息也所引郭注與今異

揅揅穫也

刈禾聲

說文云穫刈穀也詩大東傳穫艾也艾與刈同揅者良耜傳揅揅穫聲也正義引孫炎與毛同說文云穫禾聲也通作銚詩臣工傳銚穫也說文銚穫禾短鎌也釋名云銚銚斷禾德聲也是銚銚卽揅揅以聲言則曰揅以器言則曰銚矣

栗栗眾也

積聚綴

栗者聘義云縝密以栗詩積之栗栗毛傳栗栗眾多也正義引李巡曰栗栗積聚之眾也說文兩引詩俱作積之秩秩解云積積禾也秩積也是秩秩爲積之多與栗聲近義同古字通用故公羊哀二年傳戰于栗釋文栗一本作秩是秩栗通說文秩秩卽栗栗亦其證矣

溘溘浙也

洮米聲

浙者說文云汰米也溘者詩作叟毛傳叟叟聲也釋文叟字又作洩濤米聲也然則詩及爾雅正文當作洩毛詩古文省作叟爾雅今文變作溘耳生民正義以溘叟爲古今字得之釋文叟所雷反爾雅作溘音同是也

焯焯烝也

氣出盛

烝者說文云火氣上行也焯者云烝也引詩烝之焯焯聲借作焯生民傳云浮浮氣也正義引孫炎曰焯焯炊之氣爾雅釋文焯呂郭竝音浮又符彪反按音浮之浮當作孚說文焯从孚聲郭音本於呂忱呂忱本於說文也

俵俵服也

謂戴弁服

此下四句釋雅頌言祭祀之事俵戴也已見釋言服亦爲戴故郭注謂戴弁服詩絲衣傳俵俵恭順貌亦謂戴弁之容

峨峨祭也

謂執圭璋助祭

峨謂嵯峨詩棫樸傳峨峨盛狀也箋云奉璋之儀峨峨然正義引舍人曰峨峨奉璋之貌釋文峨本又作俄假借字耳

鐙鐙樂也

音鐘鼓

鐙者說文云鐘聲也引詩鐘鼓鐙鐙漢書禮樂志及風俗通引詩亦作鐙今作噍執競傳噍噍和也正義引舍人曰噍噍鐘鼓之樂也按舍人噍當作鐙毛詩借作噍爾雅別作龍卽噍之或體說文吟或从音作吟亦噍作龍之例釋文龍又作鐙是鐙爲正體今從宋本作鐙



穰穰福也

言饒多

穰者說文以爲黍稷又秧字解云禾苗秧穰也是穰兼二義秧穰猶穰穰故玉篇云穰黍穰也豐也眾多也兼包說文二義而言也詩執競傳穰穰眾也正義引舍人曰穰穰眾多之貌也又云某氏引此詩明穰穰是福豐之貌也

子子孫孫引無極也

世世昌盛長無窮

引者釋詁云長也詩楚茨箋願子孫勿廢而長行之正義引舍人曰子孫長行美道引無極也

顯顯印印君之德也

道君人者之德望

自此以下但解作詩興喻之義不釋詩文此卷阿文傳箋及正義引孫炎皆有說

丁丁嚶嚶相切直也

丁丁斫木聲嚶嚶兩鳥鳴以喻朋友切磋相正

切者說文云刊也直者曲禮注正也丁丁嚶嚶者詩伐木傳丁丁伐木聲也箋云嚶嚶兩鳥聲也郭注本毛鄭言伐木鳥鳴音聲互荅皆有朋友相切正之義故以爲喻文選遊西池詩注引韓詩云伐木廢朋友之道缺勞者歌其事詩人伐木自若其事故以爲文毛詩序亦云伐木廢則朋友缺矣然則詩爲朋友而作故以相切直爲言耳

藹藹萋萋臣盡力也梧桐茂賢士眾 雍雍喈喈民協服也鳳皇

鳴相和百姓懷附輿頌歌

藹藹已見上文雍雍已詳釋詁此又釋興喻之義也藹者說文云臣盡力之美萋艸盛文選藉田賦注引韓詩薛君章句云萋萋盛也詩卷阿正義引舍人曰藹藹賢士之貌萋萋梧桐之貌孫炎曰言眾臣竭力則地極其化梧桐盛也孫義本毛傳郭義與孫同雍詩離詩喈詩言鳳皇鳴聲爾雅以為譬況之詞故鄭箋本之而云萃萃萋萋喻君德盛也離離喈喈喻民臣和協然因民服而致鳳鳴故毛傳云天下和洽則鳳皇樂德詩與爾雅義相成也

佻佻契契愈遐急也

賦役不均小國困竭賢人憂歎遠益急切

佻者詩大東傳佻佻獨行貌釋文引韓詩作嫫嫫往來貌文選魏都賦注引爾雅亦作嫫嫫是嫫佻音義同从兆从翟之字古多通用守祧注云故書祧作濯亦其證也契者大東傳契契憂苦也擊鼓傳契關勤苦也二義亦近楚辭惜賢篇云孰契契而委棟兮亦得詩人之惜

宴宴粲粲尼居息也

盛飾宴安近處優閑

皇詩經卷之六 卷之三十三 郝戶部爾雅義疏

尼者昵字之省與暱同釋詁云暱近也宴者與燕同釋文燕字又作宴今作宴從宋本也詩北山傳燕燕安息貌粲者大東傳粲粲鮮盛貌箋云京師人衣服鮮潔而逸豫

哀哀悽悽懷報德也

悲苦征役思所生也

哀者說文云閔也詩蓼莪箋哀哀者恨不得終養父母報其生長己之苦悽者說文云痛也悽悽於詩無見故釋文云悽郭本或作萋邵氏正義引詩杜云其葉萋萋下云憂我父母興喻之義與蓼莪同故皆爲懷報德也按臧氏經義雜記十八云郭注征役當爲役征方與下句思所生韻

儵儵嘒嘒羅禍毒也

悼王道穢塞羨蟬鳴自得傷已失所遭讒賊

羅憂已見釋詁儵者釋文云樊木作攸引詩攸攸我里今詩作悠悠我里毛傳悠悠憂也是樊光作攸者悠字之省或作儵者儵與儵形相亂儵音同又俱从攸聲故假借通用然則儵儵卽悠悠毛傳悠悠訓爲憂爾雅羅亦訓憂其義正同郭注訓羅爲遭失其義也釋文儵郭徒的反又失音也郭蓋以儵爲踈據詩踈踈周道鞠爲茂草而言故云悼王道穢塞今以樊木作攸於義爲長也鳴蜩嘒嘒小弁篇文爲憂讒而作故言我獨于羅卽此云羅禍毒矣

晏晏旦旦悔爽忒也

傷見絕棄恨士失也

爽差也忒也見釋詁晏晏見上文詩氓傳云晏晏和柔也旦者息字之省說文云但懜也从心旦聲或从心在旦下引詩信誓息息爾雅釋文旦本或作息然則息懜懜之意故鄭箋言其懇惻款誠正義定本云旦旦猶但懜與說文合

皐皐瑁瑁刺素食也

譏無功德尸寵祿也

皐者釋文皐樊本作浩古老反皐浩古通用左氏定四年經云盟于皐鼫公羊作浩油是其證也詩召旻傳皐皐頑不知道也正義引舍人曰皐皐不治之貌舍人與毛傳同詩正義引某氏曰無德而空食祿也又與刺素食義合矣瑁者詩大東傳鞞鞞玉貌釋文鞞字或作瑁正義引某氏云瑁瑁無德而佩然則佩以表德無德而佩亦爲空食矣

懜懜憂無告也

賢者憂懼無所訴也

說文懜字下引爾雅曰懜懜懜懜憂無告也玉篇廣韻懜字下云意懜憂無告也是意懜音義同古从灌从官之字亦通用故說文道或作懜卽其例也通作灌詩板傳灌灌猶款款也爾雅釋文灌本或作懜今從宋本作懜與說文合也懜者玉篇云憂也引詩曰憂心懜懜通作搖釋文懜本又作搖詩黍離傳搖搖憂無所愬又通作遙釋文懜樊本作遙詩雄雉

云悠悠我思說苑辨物篇作遙遙我思釋詁云繇憂也繇懼音義同遙悠聲又近悠悠亦憂也又通作桃釋文與慙同

憲憲洩洩制法則也 佐與虐政設教令也

憲憲洩洩俱聲借之字釋詁憲雖訓法與此義別詩板傳云憲憲猶欣欣也泄泄猶沓沓也箋云女無憲憲然無沓沓然為之制法度達其意以成其惡正義引李巡曰皆惡黨為制法則也孫炎曰厲王方虐詔臣竝為制作法令洩洩釋文與詩同作泄說文作詘又作咄云多言也引詩亦作詘咄二體又云沓語多沓沓也是咄咄與沓沓義同故孟子言猶矣

諛諛諂諂崇讒慝也 樂禍助虐增譖惡也

諛者釋詁云戲諛也諂者當作媯說文云火熱也引詩多將媯媯爾雅本亦作媯故釋文諂諂下別出媯字是即古本作媯之證陸德明不察以為本今無此字非也詩板傳云諛諛然喜樂媯媯然熾盛也正義引舍人曰諛諛諂諂皆盛烈貌孫炎曰厲王暴虐大臣諛諛然喜諂諂然盛以與讒慝也是孫炎舍人竝與毛傳義合益知爾雅古本與詩同作媯媯矣釋文又云慝謝切得反翹倬慝諸儒竝女陟反言隱匿其情以飾非蓋慝諸儒作匿唯謝嶠讀如字是

翕翕訛訛莫供職也 賢者陵皆好黨熾背公恤私曠職事

訛者說文云不思稱意也引詩翁翁訛訛小旻傳云滄滄然患其上訛訛然不思稱其上釋文引韓詩云不善之貌正義引李巡曰君闇蔽臣子莫親其職召旻傳云訛訛窳不供事也釋文引說文窳窳也始窳漢書劉向傳作歛歛訛訛荀子修身篇作喻喻皆皆竝字異而義同

速速蹙蹙惟速鞫也

陋人專祿國侵削賢士永哀念窮迫

惟者釋詁云思也速者釋文引郭云迫也鞫者釋言云窮也速者玉藻注速猶蹙蹙也詩正月傳蕪蕪陋也蕪蓋速之或體速籀文速字也後漢書蔡邕傳注引毛詩作速速方穀云韓詩亦同然則速速與蹙蹙皆爲狹小之意故毛傳以蕪蕪爲陋詩節南山箋蹙蹙縮小之貌士相見禮注蹙猶促也郭注以國侵削爲蹙於義亦通

抑抑密也

威儀審諦

秩秩清也

德音清冷

密者釋詁云靜也清者說文云肅也詩威儀抑抑德音秩秩鄭箋用爾雅毛於抑傳抑抑亦用爾雅賓之初筵傳抑抑慎密也抑正義引舍人曰威儀靜密也

粵峯掣曳也

謂牽掣

皇詩經解

卷三十三

郝戶部爾雅義疏

擊者說文作瘳云引縱曰瘳通作擊廣雅云擊引也玉篇擊與瘳同曳者說文曳曳也曳曳益亦牽引之言也粵斧者蓋縛鋒之省說文縛鋒竝云使也又云僇使也聲借為莽蜂詩小慈傳莽蜂厚曳也正義引孫炎曰謂相擊曳入於惡也文選海賦云或擊掣洩洩於裸人之國掣洩即掣曳又借為併蠹潛夫論慎微篇引詩作莫與併蠹

朔北方也

謂幽朔

北者說文云葦也从二人相背然則北之言背也詩云言樹之背背即北也尚書大傳云北方者何也伏方也萬物之方伏書宅朔方史記五帝紀作居北方平在朔易作便在伏物皆其義也朔者蘇也說文云朔月一日始蘇也是朔兼始蘇二義又訓北者萬物終於北方而亦始於北方如夙而復蘇也故堯典正義引舍人曰朔盡也北方萬物盡故言朔也李巡曰萬物盡於北方蘇而復生故言北方亦兼始蘇二義也

不俟不來也

不可待是不復來

不遁不蹟也

言不循軌跡也

不來者詩采薇傳來至也俟者說文作鞅引詩曰不鞅不來或从彳作俟今通作俟蹟者與迹同說文云迹步處也或从足責作蹟詩沔水傳不蹟不循道也遁者釋詁云循也釋言云述也馬瑞辰曰說文引詩鞅字從來矣聲疑詩古本作我

行不來者，與侯通。故爾雅作不侯，而以不來釋之。今詩作我，行不來者，與侯字脫其半耳。爾雅釋經，俱經字在上。此以不來釋不侯，非以不侯釋不來也。又不適不蹟也，適古述字，述術字通。此釋詩報我不術，非釋詩念彼不蹟也。亦經字在上。

不徹不道也。

徹亦道也。

勿念勿忘也。

勿念念也。

徹者通也，達也。通達皆道路之名，故云徹亦道也。徹之言轍，有軌轍可循，釋文徹直列反，則讀如轍。玉篇徹兼丑列直列二音也。不徹者，詩天命不徹，毛傳徹道也。鄭箋不道者，言王不循天之政教，勿者與無同。無念者，詩無念爾祖，傳無念念也。孝經釋文引鄭注無念無忘也。

葵諛忌也。

義見伯兮考槃詩。

忌者說文云不識也，不識言不省記也。葵者，葵字之省。說文作蕙，或作蕝，又作萱，云令人忌。憂艸也。引詩焉得蕙艸，今詩借作諛。伯兮傳云：諛草令人忌。憂爾雅釋文引作葵，草令人善。忌玉篇令人善。忌憂草，疑毛傳今本忌。上脫善字。爾雅釋文忌下脫憂字也。諛者詩淇奧傳及考槃箋並云：諛忌也。諛即葵之假音。

每有雖也。

詩曰每有良朋，辭之雖也。

皇清經解

卷二十五

郝戶部爾雅義疏

七



雖者語詞也玉篇云詞兩設也每有者詩常棣箋用爾雅是每有連文其單文亦爲雖故詩皇皇者華傳每雖也莊子庚柔楚篇云每發而不當釋文引爾雅亦云每雖也

饔酒食也

猶今云饔饌皆一語而兼道

饔者說文云酒食也詩天保洞酌傳同爾雅釋文引字林云熟食也士虞禮及特牲饋食注並云炊黍稷曰饔是饔本炊食之名但酒食同類故爾雅連言郭云一語而兼通得其義矣釋文又云饔舍人本作喜釋云古曰饔按舍人之意蓋謂饔借爲喜故以本字釋之詩七月正義引李巡曰得酒食則喜歡也是李巡本亦作喜因而以喜爲釋則非矣毛詩亦作喜故鄭於七月及甫田大田箋並云喜讀爲饔饔酒食也本爾雅義與舍人同

舞號雩也

雩之祭舞者吁嗟而請雨

雩者說文云夏祭樂于赤帝以祈甘雨也或从羽作翬雩羽舞也羽舞者舞師云教皇舞剛而舞早暎之事鄭眾注皇舞蒙羽舞是許所本此雩有舞之證號者說文云呼也月令云大雩帝鄭注雩吁嗟求雨之祭也公羊桓五年注使童男女各八人舞而呼雩故謂之雩然則雩之言吁此雩有號之證故釋文引孫炎云雩之祭有舞有號是矣

暨不及也

公羊傳曰及我欲之暨不得已暨不得已是不得及

釋詁云及暨與也是暨卽及矣又言不及者郭引公羊隱元年傳而釋之云暨不得已是不得及文選赭白馬賦及文賦注並引爾雅作暨及也或及上脫不字抑或所引卽釋詁文蓋暨之一字包及與不及二義也

蠢不遜也

蠢動爲惡不謙遜也

遜者慈之假借也說文云慈順也引唐書曰五品不慈今通作遜蠢者釋詁云作也動也然則蠢爲妄動故不遜順楚辭惜賢篇云夷蠢蠢之溷濁王逸注蠢蠢無禮義貌也與不遜義合

如切如磋道學也

骨象須切磋而爲器人須學問以成德

如琢如磨自脩也

玉石之被

雕磨猶人自脩飾

瑟兮僩兮恂慄也

恒戰

赫兮烜兮威儀也

貌光

有斐

君子終不可諉兮

斐文

道盛德至善民之不能忘也

常思

此釋詩淇奧之文禮記大學述之切磋琢磨者釋器云骨謂之切象謂之磋玉謂之琢石謂之磨毛傳本爾雅而申之云道其學而成也聽其規諫以自脩如玉石之見琢磨也大學注云道猶言也正義曰初習謂之學重習謂之修瑟僩赫烜

者毛傳云瑟矜莊貌側寬大也赫有明德赫赫然咍威儀容  
止宣著也釋文引韓詩云備美貌說文云武貌咍韓詩作宣  
宣顯也爾雅釋文烜者光明宣著說文引詩作愜云寬媚心  
腹兒然則詩本作愜韓詩省作宣爾雅作烜毛詩假借作咍  
耳恂慄者大學注云恂字或作峻讀如巖峻之峻言其容貌  
嚴栗也斐者詩借作匪毛傳云文章貌釋文引韓詩作邳美  
貌也諛忌也已見上文大學注云  
民不能忘以其意誠而德著也

既微且腫胛瘍爲微腫足爲腫

胛脚脛  
瘍創

微者釋文云字書作癥三蒼云足創腫者說文作瘡云脛氣  
足腫引詩既微且瘡籀文作腫胛者說文云骸也微脛也腫  
瘡也詩巧言箋此人居下溼之地故生微  
腫之疾正義引孫炎曰皆水溼之疾也

是刈是鑊鑊煮之也

煮葛爲  
絺綌

刈者說文作刈云芟艸也或从刀作刈鑊者詩作獲假借字  
也說文鑊鑊也鑊裳也淮南說山篇注無足曰鑊蓋鼎鑊皆  
煮器唯有足無足爲異耳詩葛覃釋文引韓詩云刈取也獲  
淪也正義引舍人曰是刈刈取之是獲煮治之孫炎曰煮葛  
以爲絺綌正義又云以煮之於獲故曰獲煮非訓獲爲煮此  
言是也然則刈亦芟草之器用而名芟爲刈且刈與鑊配竝

是器名故齊語云按其槍刈擗縛韋昭注刈鎌也  
方言云刈鉤說文鉤作劓云鎌也知刈本器名矣

履帝武敏武迹也敏拇也

拇迹大指處

履帝武敏者詩生民傳履踐也帝高辛氏之帝也武迹敏疾也從於帝而見於天將事齊敏也毛依爾雅以武爲迹而不以敏爲拇師說之異也鄭箋帝上帝也敏拇也祀郊謀之時時則有大神之迹姜嫄履之足不能滿履其拇指之處正義引孫炎曰拇迹大指處郭義與孫同爾雅釋文敏舍人本作畎釋云古者姜嫄履天帝之迹於畎畎之中而生后稷按敏畎形近讎讎作畎拇聲同古讀音皆如弭臧氏爾雅漢注疑舍人是拇作畎恐非也釋文自明耳史記周本紀姜原出野見巨人迹心忻然悅欲踐之是舍人及鄭箋所本

張仲孝友

周宣王時賢臣

善父母爲孝善兄弟爲友

詩六月正義引李巡曰張姓仲字其人孝故稱孝友賈子道術篇云子愛利親謂之孝兄敬愛弟謂之友釋名云孝好也愛好父母如所說好也孝經說曰孝畜也畜養也友有也相保有也然則孝友曰善謂心誠有好之詩傳用爾雅

有客宿宿言再宿也有客信信言四宿也

再宿爲信重言之故爲四宿

皇清經解

卷五十五

郝戶部爾雅義疏

七

宿者久也言畱止於此時久也信者申也言已宿畱又重申也詩有客傳一宿曰宿再宿曰信林黼廷年然則信乃再宿宿僅一宿也爾雅因重文而倍言之故宿宿言再宿信言四宿矣

美女為媛

所以結好媛

美士為彥

人所彥詠

美者媿之省說文云色好也經典通作美媛者說文云美女也人所援也詩君子偕老箋媛者邦人所依倚以為媛助也媛與媛同故正義引孫炎曰君子之媛助釋文引韓詩媛作媛援取也取疑助之形譌耳彥者說文云美士有文人所言也詩羔裘正義引舍人曰國有美士為人所言道郭云人所彥詠其義同彥釋文作彥而云本今作彥則其字通

其虛其徐威儀容止也

雍容都雅之貌

詩北風作其虛其邪釋文邪音餘又音徐爾雅作徐是邪本徐之假音故毛傳虛虛也釋文一本作虛徐得之鄭箋邪讀如徐言威儀虛徐寬仁者正義引孫炎曰虛徐威儀謙退也然則虛徐猶舒徐郭云都雅於古音俱疊韻

猗嗟名兮目上為名

眉眼之間

詩猗嗟傳本此玉篇引詩云猗嗟顯兮顯眉目間也本亦作名文選西京賦薛綜往路眉睫之間檀弓云子夏喪其子而

喪其明冀州從事郭君碑云卜商號咷喪子失名是名與明  
通詩木泄名爲明故下句云美目清兮毛傳目下爲清則知  
目上爲明正以清明  
對文爲爾雅補義也

式微式微者微乎微者也

言至微

微義已見釋詁孫子虛實篇云微乎微微至於無形語意本  
此詩式微箋用爾雅云式微聲也毛傳式用雖本釋言但詩  
本不取式爲義故以發  
聲之詞言之鄭義爲長

之子者是子也

斥所詠

子者斥其人之詞之爲語助又訓爲是詩漢廣箋用  
爾雅正義引李巡日之子者論五方之言是子也

徒御不驚輦者也

步挽輦車

輦者人輓車也徒步行也御御馬也本各爲一事詩黍苗詳  
之此輦者專釋徒字故車攻傳徒輦也蓋言此徒卽是輦者  
非但步行亦容輓車在內與黍苗異  
此釋徒不釋御輦上無徒字文省爾

禮裼肉袒也

脫衣而見體

禮者說文作禮云肉禮也引詩禮禴暴虎今詩作禮大叔于田釋文禮本又作祖祖亦假借字也說文祖訓衣縫解給作又云但禴也禴祖也禮禴詩正義引李巡曰禮禴脫衣見體曰肉祖孫炎曰祖去禴衣郭注本李巡

暴虎徒搏也

空手執也

搏者說文云索持也詩搏獸于教言手執持之也暴者搏也搏暴古音相近匡謬正俗云暴有薄音是也詩大叔于田傳暴虎空手以搏之正義引舍人曰無兵空手搏之竝以空手釋徒搏也小旻傳徒搏曰暴虎即用爾雅文

馮河徒涉也

無舟楫

馮者泐之假音也說文泐無舟渡河也玉篇徒涉曰泐今馮字詩小旻傳徒涉曰馮河引李巡曰無舟而渡水曰徒涉與說文合

籛篠口柔也

籛篠之疾不能俛口柔之人視人顏色常亦不伏因以名云

此及下文柔字依說文竝當作脂云而和也讀若柔玉篇正作頤云柔色以蘊之是以今為柔字籛篠者說文云粗竹席也詩新臺傳籛篠不能俯者箋云籛篠口柔常觀人顏色而為之辭故不能俯者也正義引李巡云籛篠巧言好辭以口

饒人是謂口柔爾雅釋文引舍人曰籩篠巧言也又引孫郭義同是諸家皆不殊今按以戚施爲比推之籩篠卽符箒也其名爲簞其體偃蹇其文便旋以言語悅人者似之故以爲口柔之喻

戚施面柔也

戚施之疾不能仰面柔之人常俛似之亦以名云

戚施者聲借之字說文作醜醜云詹諸也引詩得此醜醜御覽引韓詩薛君云戚施蟾蜍喻醜惡玉篇又作規規面柔也爾雅釋文引字書作規規俱字之別體也面柔者釋文引舍人曰令色誘人李曰和顏悅色以誘人是謂面柔也又引孫郭義同按晉語云戚施不可使仰蓋喻醜惡之人見人慙俛有如舍垢蒙羞故曰面柔詩新臺傳用晉語箋用爾雅說文義本韓詩與諸家異其喻醜惡則同

夸毗體柔也

屈己卑身以柔順人也

詩板傳用爾雅箋云其無夸毗以形體順從之爾雅釋文引舍人曰卑身屈己也李孫郭云屈己卑身以柔順人也夸毗字書作踦踦廣韻又作踦踦俱字之別體

婆娑舞也

舞者之容



說文舞樂也古文舞从羽亾按从羽舞所執也亾與無古通用舞从無聲也婆者說文作嬖云奢也娑舞也引詩市也嬖娑毛傳用爾雅正義引李巡曰娑娑盤辟舞也孫炎曰舞者之容娑娑然文選神女賦注娑娑猶嬖嫻也按嬖嫻猶般旋也般旋娑娑俱字之疊韻

辟拊心也

謂椎曾也

辟或加手作擗玉篇引詩寤擗有標爾雅釋文因云辟字宜作擗引詩與玉篇同拊者拍也拍亦擊也故問喪云發曾擊心又云擊曾傷心喪大記云扱衽拊心是拊擊義同問喪又云辟踊哭位鄭注辟拊心也與柏舟傳同

矜憐撫掩之也

撫掩猶撫拍謂慰恤也

釋詁云憐憐愛也憐與撫同說文云撫愛也撫掩當作撫掩方言云撫掩憐愛也又云亟憐撫掩愛也又云撫矜憐哀也是亟憐即矜憐聲相轉矜憐撫掩方言俱本爾雅撫掩作撫掩乃古字通借郭氏望文生義以為撫掩猶撫拍矢之矣

絨羔裘之縫也

縫飾羔皮之名

絨者說文作黻云羔裘之縫玉篇同云亦黻字革部云黻羔裘縫亦作絨今按絨黻竝或體也詩羔羊傳絨縫也釋文引

孫炎云絨縫之界域正義曰縫合羔羊皮爲裘縫卽皮之界絨因名裘縫爲絨五絨旣爲縫則五絨五總亦爲縫也

殿屎呻也

呻吟之聲

呻者說文云吟也殿屎者說文作唵呬云呻也詩板傳呻吟也正義引孫炎曰人愁苦呻吟之聲也爾雅釋文殿屎或作

欲改又作慙服

竝俗體字也

幃謂之帳

今江東亦謂帳爲幃

幃帳者說文云帳張也幃禪帳也文選寡婦賦注引纂要曰在上曰帳在旁曰帷單帳曰幃詩借作稠小星箋云稠牀帳也爾雅釋文

幃本又作幃

佻張誑也

書曰無或佻張爲幻幻惑欺誑人者

誑者說文云欺也佻者云有靡蔽也引詩誰佻子美防有鵠巢傳用爾雅郭引書無逸諱張作佻張正義引孫炎曰眩惑

誑欺人也郭義與孫同

誰昔昔也

誰發語辭

昔者玉篇云往也久也昨也誰昔者詩誰昔然矣鄭箋用爾雅按釋詁云疇誰也故誰昔或爲疇昔檀弓云疇昔之夜鄭

注疇發聲也

不辰不時也

辰亦時也

辰者詩傳箋竝云時也我辰安在哉生不辰皆言生不逢時

凡曲者爲罽

毛詩傳曰罽曲梁也凡以薄爲魚笱者名爲罽

曲者薄也以曲薄爲魚梁故曰曲梁郭引詩魚麗傳文詳見釋器

鬼之爲言歸也

尸子曰古者謂外人爲歸人

歸者還其家也生寄也死歸也故列子天瑞篇云鬼歸也又云古者謂外人爲歸人說文云人所歸爲鬼禮運注鬼者精魂所歸皆與此義合

皇清經解卷一千二百六十終

嘉應生員李恆春校